

**ACTA DA XUNTA DE GOBERNO LOCAL**  
**Sesión do 22 de maio de 2006**

**SEÑORES/AS ASISTENTES:**

D<sup>a</sup>. Corina Porro Martínez  
D. José Manuel Figueroa Vila  
D<sup>a</sup>. Lucía Molares Pérez  
D. Ignacio López-Chaves Castro.  
D. Javier Jorge Guerra Fernández  
D<sup>a</sup>. Soledad Polo Lima  
D. Carlos Comesaña Abalde  
D. Antonio Coello Bufill  
D<sup>a</sup>. Marta Iglesias Bueno  
D. José Manuel Couto Pérez

Na Casa do Concello de Vigo, ás nove horas e sete minutos do día vinte dous de maio de dous mil seis e baixo a presidencia da Excm<sup>a</sup>. Alcaldesa, Sra. Porro Martínez, coa asistencia dos concelleiros/as anteriormente citados, actuando como Secretaria a concelleira, Sra. Molares Pérez, constitúese a Xunta de Goberno Local desta Corporación co obxecto de realizar sesión ORDINARIA de acordo coa orde do día remitida a tódolos membros coa antelación legal precisa.

Están presentes por invitación o titular do órgano de apoio á Xunta de Goberno Local, Sr. Lorenzo Penela, e o interventor xeral, Sr. González Carnero.

A Xunta de Goberno Local adopta os seguintes acordos:

**1(513).- PADRÓN FISCAL DA TAXA DA RECOLLIDA DO LIXO DE VIVENDAS DO EXERCIZO 2006. EXPTE. 27444/513.**

Examinadas as actuacións do expediente, visto o seguinte informe-proposta de data 15 de maio de 2006 do xefe do Servizo de Admon. de Tributos, conformado pola directora de ingresos, polo interventor xeral e así mesmo polo concelleiro-delegado da Área de Xestión Municipal:

*“Partindo dos rexistros contidos no Padrón fiscal de Recollida de lixo do exercicio fiscal 2005, a Administración de Tributos elaborou o presente padrón fiscal do ano 2006, tendo en conta os seguintes datos:*

- *Cambios de titularidade realizados na Xerencia Territorial do Catastro a efectos do Imposto sobre Bens Inmóbeles.*
- *Cambios de titularidade realizados a partir das autoliquidacións presentadas para os efectos do Imposto sobre Incremento de Valor dos Terreos de Natureza Urbana.*

- *Altas de novas construcións realizadas na Xerencia Catastral a efectos do Imposto sobre Bens Inmóveis.*
- *Altas realizadas directamente por esta administración tributaria, baseadas nos informes emitidos polo Departamento da Inspección de Tributos, e nas comprobacións e comparativas efectuadas polo Negociado de Lixo de Vivendas.*
- *Recursos de reposición interpostos contra recibos e liquidacións do exercicio 2005 e anteriores.*
- *Solicitudes presentadas polos cidadáns respecto de exencións e bonificacións.*

*Da comparación do número de inscricións deste Padrón Fiscal respecto dos exercicios 2004 e 2005 se desprenden as seguintes porcentaxes:*

2004	% INC	2005	% INC	2006
121.903	2,07%	124.436	2,22%	127.204

*Así mesmo, da comparativa dos importes totais dos devanditos exercicios fiscais se desprenden os seguintes resultados:*

2004	% INC	2005	% INC	2006
7.733.412,30	5,02%	8.121.709,26	6,34%	8.637.260,63

Á vista do anterior, a Xunta de Goberno Local, acorda:

Primeiro.- Aprobar o Padrón fiscal da taxa da recollida do lixo de vivendas do exercicio 2006, por un importe total de 8.637.260.63.- Euros, OITO MILLÓNS SEISCENTAS TRINTA E SETE MIL, DOUSCENTOS SESENTA EUROS CON SESENTA E TRES CENTIMOS, que consta de 127.204 inscricións, segundo a relación nominal de suxeitos pasivos que comeza pola inscrición nº 101273 que figura a nome de D<sup>a</sup> ISABEL ALONSO VALVERDE polo obxecto tributario de CM ABADE (CORUXO) Nº 3, e remata coa inscrición nº 94946 que figura a nome de D<sup>a</sup> M<sup>a</sup> CONCEPCIÓN FERNÁNDEZ COMESAÑA polo obxecto tributario de CTRA. ZONDAL nº 2.

Segundo.- Proceder á exposición pública durante o prazo de 15 días, producindo esta exposición os efectos de notificación das liquidacións das cotas que figuran consignadas para cada un dos suxeitos pasivos, poidéndose interpoñer contra ditos actos recurso potestativo de reposición ante o órgano que aproba este acordo ou ben directamente recurso ante o Tribunal Económico Administrativo do Concello de Vigo, no prazo dun mes a partir do día seguinte ó de finalización do período voluntario de pagamento.

**2(514).- PADRÓN FISCAL EXACCIONS UNIFICADAS INDUSTRIAIS DO EXERCIZO 2006. EXPTE. 33984/516.**

Examinadas as actuacións do expediente, e visto o seguinte informe-proposta de data 15-05-06 do xefe do servizo de Admon. de Tributos, conformado pola directora de Ingresos, polo interventor xeral e así mesmo polo concelleiro-delegado da Área de Xestión Municipal,

“A partir dos rexistros contidos no Padrón fiscal de Exaccións Unificadas de Industriais do ano 2005, a Administración de Tributos elaborou o presente padrón fiscal do ano 2006, tomando en consideración os seguintes motivos de variación:

- declaracións de alta formuladas polos suxeitos pasivos a través de solicitudes de licencias de Actividades e Instalacións.
- comunicacións de cambios de titularidade de actividades.
- declaracións de baixa de actividades.
- recursos de reposición formulados contra recibos e liquidacións do ano 2005 e anteriores.
- rectificacións de oficio de datos relativos a locais, actividades e suxeitos pasivos a través de informes tanto de Inspección de Tributos como da Base de datos de contribuíntes.
- inclusión de oficio de novos contribuíntes a partir de información extraída do Matricula do Imposto sobre Actividades Económicas.

A comparación de número de inscricións deste Padrón Fiscal entre 2004 , 2005 e 2006 arroxa os seguintes datos:

2004	% INC	2005	% INC	2006
19.360	0.70%	19.496	1.51%	19.791

A comparación dos importes totais dos exercicios mencionados arroxa os seguintes resultados:

CONCEPTO	2004	% INC	2005	% INC	2006
TOTAL	5.470.988,53	3.20%	5.646.153,23	4.87%	5.921.219,20
RECOLLIDA DO LIXO	4.560.573,11	2.29%	4.665.397.48	4.64%	4.882.022,15
ENTRADA VEHÍCULOS	885.623,22	7.94%	956.019,15	6.04%	1.013.851,30
RESERVA APARCAMENTO	24.792,20	-0.22%	24.736,60	2.46%	25.345,75

Á vista do anterior, a Xunta de Goberno Local adoptout o seguinte acordo:

Primeiro.- Aproba-lo Padrón fiscal de Exaccións Unificadas de Industriais do ano 2006 (taxa de lixo industrial e comercial e taxas por entradas de vehículos e reserva de aparcamento) por importe total de 5.921.219,20.- Euros segundo relación nominal de suxeitos pasivos que comeza pola inscrición nº 35179 que figura a nome de JUAN COMESAÑA E HIJOS S.L. polo establecemento sito en CM ABADÉ (CORUXO) Nº 4 e remata coa inscrición nº 1900 que figura a nome de RODRIGUEZ LABORDA PILAR polo establecemento sito en R/ ZARAGOZA nº 64, cun total de 19.791 recibos e correspondendo a:

- taxa de lixo industrial ..... 4.882.022,15.- Euros
- entrada vehículos ..... 1.013.851,30. - Euros

- reservas aparcamento ..... 25.345,75.- Euros

Segundo.- Proceder á exposición pública durante o prazo de 15 días, producindo esta exposición os efectos de notificación das liquidacións das cotas que figuran consignadas para cada un dos contribuíntes, podéndose interpoñer contra ditos actos recurso potestativo de reposición ante o órgano que aproba este acordo ou ben directamente recurso ante o Tribunal Económico Administrativo do Concello de Vigo, no prazo dun mes a partir do día seguinte ó de finalización do período voluntario de pago.

**3(515).- SENTENZA DO TSXG NO R.C.A. Nº 02/4706/2002 INTERPOSTO POR D. ENRIQUE RIVERA GARCÍA CONTRA DESESTIMACIÓN PRESUNTA DE RECLAMACIÓN DE RESPONSABILIDADE PATRIMONIAL POR DANOS. DESESTIMADO.**

Dáse conta da sentenza de data 14.10.06, dictada pola Sala do Contencioso-Administrativo do Tribunal Superior de Xustiza de Galicia, no recurso de referencia, que falla o seguinte:

Que desestimando as pretensións deducidas no recurso contencioso-administrativo interposto por D. Enrique Rivera García representado polo Procurador D. Rafael Pérez Lizarriturri e defendido polo letrado Ramiro J. Andrés González contra o acto administrativo impugnado, desestimación presunta por silencio administrativo da reclamación de responsabilidade patrimonial formulada polo recorrente, por ser conforme a dereito; e iso sen facer especial pronunciamento con respecto á imposición das custas.

A Xunta de Goberno local queda enterada do contido da sentenza, da que deberá darse conta ao Servizo de Patrimonio e Contratación.

**4(516).- SENTENZA DO TSXG NO R.C.A. Nº 02/4605/2002 INTERPOSTO POR D<sup>a</sup>. MONSERRAT SANCHEZ MAZAS CONTRA DESESTIMACIÓN PRESUNTA DE RECLAMACIÓN DE RESPONSABILIDADE PATRIMONIAL POR DANOS. DESESTIMADO.**

Dáse conta da sentenza de data 14.10.05, dictada pola Sala do Contencioso-Administrativo do Tribunal Superior de Xustiza de Galicia no recurso de referencia, que falla o seguinte:

Acollemos parcialmente o recurso contencioso-administrativo da procuradora Sra. Cabrera Rodríguez, no nome de D<sup>a</sup> Montserrat Sánchez Mazas contra a desestimación por silencio, por parte do Concello de Vigo, da reclamación de responsabilidade patrimonial que presentara o 26.06.2001, anulándoa por contraria a dereito e condenándoo a indemnizala na cantidade que se determine en execución de sentenza. Non se fai declaración das custas.

A Xunta de Goberno local queda enterada do contido da sentenza, da que deberá darse conta ao Servizo de Patrimonio e Contratación.

**5(517).- AUTO DO X. CONTENCIOSO-ADMINISTRATIVO Nº 1 DE VIGO NO R.C.A. Nº 348/2005 INTERPOSTO POR D<sup>a</sup>. MIRIAN MÉNDEZ FORERO CONTRA DESESTIMACIÓN MUNICIPAL DE RECLAMACIÓN DE RESPONSABILIDADE PATRIMONIAL POR DANOS. INADMISIBLE O RECURSO.**

Dáse conta do auto de data 24.04.06, dictado polo Xulgado do Contencioso Administrativo nº 1 de Vigo no recurso de referencia, que falla o seguinte:

Declaro a inadmisibilidade do presente recurso contencioso-administrativo seguido como P.A. 348/05 a instancia de Mirian Méndez Forero fronte ao Concello de Vigo por falla de agotamento da vía administrativa previa.

A Xunta de Goberno local queda enterada do contido do auto, do que deberá darse conta ao Servizo de Patrimonio e Contratación.

**6(518).- AUTO DO X. CONTENCIOSO-ADMINISTRATIVO Nº 2 DE VIGO NO R.C.A. Nº 121/06 INTERPOSTO POLA COMUNIDADE DE MONTES VECIÑAIS EN MAN COMÚN, PARROQUIA DE CABRAL, EN RELACIÓN COA RECUPERACIÓN DE OFICIO DA POSESIÓN DA PROPIEDADE MUNICIPAL Nº 000119. AUTO DE DESISTIMENTO.**

Dáse conta do Auto de data 25.04.06, dictado polo Xulgado do Contencioso-Administrativo nº 2 de Vigo no recurso de referencia, que falla o seguinte:

Tense por desistido e apartado á demandante Comunidade de Montes Veciñais en Man común de Santa Marina de Cabral, da prosecución do presente recurso, que se declara rematado no seu actual estado de trámite.

A Xunta de Goberno local queda enterada do contido do auto, do que deberá darse conta ao Servizo de Patrimonio e Contratación.

**7(519).- ASISTENCIA DO ASESOR TÉCNICO DE MODERNIZACIÓN ÁS “IX XORNADAS SOBRE TECNOLOXÍA DA INFORMACIÓN PARA A MODERNIZACIÓN DAS ADMINISTRACIÓNS PÚBLICAS (TECNIMAP 2006)” EN SEVILLA. EXPTE. 3133/101.**

Examinadas as actuacións do expediente, dáse conta do informe-proposta do asesor técnico de Modernización, do 8.05.06, conformaco polo concelleiro delegado de Persoal e Facenda e polo interventor xeral, que di o seguinte:

*O Asesor técnico de Modernización Jacinto Martin Barreras, dni 00246236, n.reg. 22450, adscrito a Alcaldía, desenvolve traballos de modernización e aseguramento da calidade dentro das medidas do Plan de*

Choque para o Desenvolvemento da Sociedade da Información e Impulso da Administración Electrónica no Concello, aprobado pola Xunta Local de Goberno na sesión ordinaria do 10 de maio de 2004.

Sendo publicada a Orden APU/2524/2005, do 21 de xullo polo que entre os días 30 de maio a 2 de xuño de 2006 convocada po Mº Administracións Públicas, en Sevilla, celebrase o TECNIMAP “Tecnoloxías da Información para a Modernización das Administracións Públicas”, e para asistir as experiencias de outros municipios e as comunicacións que se desenrolen, o que supón una necesaria fonte de coñecemento para as tarefas de modernización, propón:

1º.- Se autorice o seguinte gasto nas partidas orzamentarias 11102300100 e 11102310000.

Inscripcións .....	0 €
Partida 11102300100 Dietas (5) .....	516,85 €
Partida 11102310000 Locomoción.....	600,00 €
TOTAL .....	1.116,85 €

2º.- Se autorice a súa asistencia a TECNIMAP “Tecnoloxías da Información para a Modernización das Administracións Públicas” na súa IX edición, e a utilización de medio de transporte propio.

3º.- Que se autorice o tipo de gasto libramento a xustificar a través da conta habilitada 2080-0000-0040246826-12 Avelino San Luis Costas, polos importes indicados no punto 1º.

#### Acordo

A Xunta de Goberno local aproba a proposta contida no precedente informe.

### **8(520).- PROXECTO DE CONVENIO DE COLABORACIÓN COA UNIVERSIDADE DE VIGO PARA O DESENVOLVEMENTODO PROXECTO DE ELABORACIÓN DUNHA ORDENANZA MUNICIPAL SOBRE CONTAMINACIÓN ACÚSTICA APLICADA AO CONCELLO DE VIGO. EXPTE. 3075/101.**

Examinadas as actuacións do expediente, visto o informe-proposta do 21-04-06 do xefe de Protocolo e RR PP, conformado polo concelleiro da Área de Xestión Económica e intervido e conformado en data 16-05-06 polo interventor xeral, visto así mesmo o informe do titular da Asesoría Xurídica de data 4-05-06,

A Xunta de Goberno Local, acorda:

Primeiro.- Aprobar o texto do Convenio de Colaboración coa Universidade de Vigo, para o desenvolvemento do proxecto de elaboración dunha ordenanza municipal sobre a contaminación acústica, aplicada ó Concello de Vigo, cunha vixencia de oito meses, por un importe de 30.000 euros, e con cargo á partida 111.0.227.06.02 (“Convenios”).

Segundo.- Aprobar os pagamentos tal e como figuran explicitamente na cláusula sétima do texto do referido convenio, contra factura emitida pola Fundación Empresa Universidade Galega (FEUGA), de acordo co Convenio establecido entre ambas as dúas entidades con data 30-06-99.

Terceiro.- Todas as actuacións que se realicen deberán ser supervisadas polo departamento de Medio Ambiente.

“CONVENIO DE COLABORACIÓN ENTRE O CONCELLO DE VIGO E A UNIVERSIDADE DE VIGO PARA O DESENVOLVEMENTO DO PROXECTO DE ELABORACION DUNHA ORDENANZA MUNICIPAL SOBRE A CONTAMINACIÓN ACÚSTICA APLICADA Ó CONCELLO DE VIGO

En Vigo, de de 2006

REUNIDOS

Dunha parte, a Ilma. Sra. Dona Corina Porro Martínez, na súa calidade de Alcaldesa-Presidenta do Excmo. Concello de Vigo.

Doutra parte, D. José Cidrás Pidre, Vicerrector de Investigación, en nome e representación da Universidade de Vigo por R.R. de 15/05/03, CIF. Q-8650002 B, con sede no Campus Universitario Lagoas-Marcosende, Vigo.

Ámbolos dous recoñécense mutuamente capacidade xurídica suficiente, subscriben en nome das respectivas entidade o presente convenio e, para o efecto,

EXPOÑEN

- I. Que o Concello de Vigo está interesado na colaboración coa Universidade de Vigo para realizar investigacións referentes ó proxecto: “Contribución do municipio de Vigo ó cambio climático. Medidas de actuación municipais para a redución de emisións”.
- II. Que este é un traballo que se inclúe dentro dos obxectivos da Universidade de Vigo nos campos do estudo e a investigación, conforme co artigo 83.1 da Lei Orgánica 6/2001, de 21 de decembro, de Universidades.

Polo que as partes acordan subscribir o presente convenio que someten ás seguintes

CLÁUSULAS

Primera.- O Obxecto de este Convenio é a realización por parte da Universidade de Vigo do “ Proxecto de elaboración dunha ordenanza municipal sobre a contaminación acústica aplicada ó municipio de Vigo .

Segunda.- A Universidade de Vigo acepta realizar esta investigación de acordo co plano de traballo, persoal e orzamento que se especifican na Memoria que se achega ó presente convenio de colaboración.

Terceira.- O responsable do desenvolvemento do traballo por parte da Universidade de Vigo será o profesor D. Luis Espada Recarey, adscrito ó Departamento de Enxeñería Química, que terá ó seu cargo persoal docente e investigador e bolsellos de diversos departamentos da Universidade de Vigo, tendo como interlocutor válido por parte do Concello de Vigo ó xefe administrativo da Alcaldía.

*Cuarta.- O Departamento de Enxeñería Química da Universidade de Vigo informará regularmente ó Concello da marcha dos traballos.*

*Finalizado o proxecto, remitirá un informe final no que se establecerán as conclusións ás que se chegue no mesmo.*

*Quinta.- A duración prevista para o desenvolvemento do proxecto e presentación das conclusións é de oito meses, e poderá renovarse de mutuo acordo se as investigacións non producen aínda o froito esperado e ámbalas dúas partes consideren oportuna a súa prosecución.*

*Sexta.- O Concello de Vigo, pola súa parte, aboará a cantidade de 30.000 euros + IVA, do seguinte xeito:*

- 15.000 euros + IVA á firma do convenio, co obxecto de facer operativo o proxecto dende, con cargo á partida orzamentaria 111.0. 2270602 do presuposto en vigor.*
- 15.000 euros + IVA á presentación do informe final ao que se fai referencia na cláusula cuarta.*

*Sétima.- O pagamento das mencionadas cantidades realizarase:*

*contra factura emitida pola FUNDACIÓN EMPRESA UNIVERSIDADE GALEGA (FEUGA), de acordo co convenio establecido entre ámbalas dúas entidades de data 30/06/99, a través do cal a Universidade de Vigo delega a xestión económica dos seus contratos en FEUGA..O último pagamento efectúarase previa certificación do cumprimento do Convenio pola Unidade Administrativa da Alcaldía*

*Oitava.- Cada unha das partes comprométese a non difundir, baixo ningún aspecto, as informacións científicas ou técnicas no desenvolvemento do proxecto de investigación obxecto deste convenio, mentres esas informacións non sexan de dominio público.*

*Os datos e informe obtidos durante a realización dos proxectos conxuntos, así como os resultados finais, terán carácter confidencial. Cando unha das partes desexe utilizar os resultados parciais ou finais, en parte ou na súa totalidade, para a publicación como libro, artigo, conferencia, etc., deberá solicitar a conformidade á outra parte por escrito, mediante carta certificada dirixida ó responsable da mesma no seguimento do proxecto.*

*A outra parte deberá responder nun prazo máximo de trinta días, comunicando a súa autorización, as súas reservas ou a súa desconformidade sobre a información contida no artigo ou conferencia. Transcorrido dito prazo sen obter resposta, entenderase que o silencio é a tácita autorización para a súa difusión.*

*Novena.- Na medida en que os resultados da investigación sexan patentables, o Concello de Vigo terá preferencia para depositar as correspondentes patentes, aparecendo como inventores aqueles investigadores da Universidade de Vigo que teñan participado nas investigacións. Non obstante, deberalle informar previamente á Universidade de Vigo calquera decisión ó respecto.*

*No caso de que o Concello de Vigo non estea interesado nalgúns resultados patentables orixinados no proxecto, deberá, nos seis meses seguintes á obtención dos mesmos, comunicarllo á Universidade de Vigo, a cal decidirá se protexe e fai explotar os mencionados resultados.*

*Décima.- O Concello de Vigo poderá explotar libremente os resultados, patentables ou non, que tivesen a súa orixe no proxecto de investigación a que se refire este convenio.*

*Décimo primeira.- Tódolos cargos fiscais que poidan recaer sobre a fabricación e explotación comercial dos resultados da investigación será de conta do Concello de Vigo.*

*Décimo segunda.- Se por razóns comerciais ou de calquera outra índole o Concello de Vigo subcontractase a fabricación e/ou explotación comercial do resultado da investigación, deberá comunicarllo á Universidade de Vigo e salvaguardar os dereitos que existan e o segredo estipulados neste convenio.*

*Décimo terceira.- O Concello de Vigo asumirá tódalas responsabilidades polas garantías dadas respecto do obxecto da súa fabricación, subministrado por ela mesma.*

*A Universidade de Vigo non asumirá ningunha responsabilidade fronte a terceiros e é totalmente allea a litixios sobre patentes e os dereitos derivados da fabricación e explotación comercial dos resultados da investigación.*



*Décimo cuarta.- A investigación obxecto deste convenio poderá interromperse por mutuo acordo entre as partes asinantes, ben porque consideren os traballos finalizados antes do período marcado ou por calquera outra causa. A Universidade de Vigo entregaralle o Concello de Vigo un informe dos resultados obtidos ata o momento da interrupción e poderá utilizar libremente os mencionados resultados, sempre que salvagarde as condicións estipuladas nas cláusulas oitava e seguintes.*

*Décimo quinta.- O incumprimento de calquera das obrigas que figuran nestas cláusulas por unha das partes asinantes facultará á outra para rescindir este convenio, e quedarán automaticamente anulados tódolos dereitos correspondentes sobre o obxecto da investigación.*

*Décimo sexta.- En caso de desacordo ou desavinza entre ámbalas dúas partes, intentarase resolver mediante a creación duna Comisión de Seguimento Paritaria, que se nomeará á sazón entre dúas persoas do Concello de Vigo e outras dúas da Universidade de Vigo.*

*Décimo sétima.- O Concello de Vigo coñece o carácter de Entidade de Dereito Público que posúe a Universidade de Vigo e, en consecuencia, a aplicabilidade á mesma das normas de procedemento administrativo, e, no seu caso, as partes asinantes someterán as diverxencias que se puidesen presentar respecto á interpretación ou incumprimento do presente convenio á xurisdicción contencioso-administrativa.*

*Despois de ler o presente convenio por se mesmos, e estando conformes, asínano por triplicado exemplar e para un único efecto, no lugar e data anteriormente citados.”*

**9(521).- SOLICITUDE DE SUBSCRICIÓN AO CONVENIO DE COFINANCIAMENTO ENTRE A XUNTA DE GALICIA E O CONCELLO DE VIGO PARA O DESENVOLVEMENTO DE PROGRAMAS DE PREVENCIÓN E INCORPORACIÓN SOCIAL DE DROGODEPENDENZAS PARA O ANO 2006-2007. EXPTE. 14360/301.**

Vistas as actuacións do expediente, de conformidade co informe-proposta de data 3 de maio de 2006 emitido polo Coordinador do Servizo de Benestar Social e conformado pola concelleira delegada de Participación Cidadá, a Xunta de Goberno Local acorda:

1º. Solicitar á Xunta de Galicia a subscrición do Convenio de Cofinanciamento entre a Consellería de Sanidade e este Concello para o desenvolvemento de programas de prevención e Incorporación Social de Drogodependencias para o período xuño 2006 a xuño 2007.

2º. Aprobar a disposición dun total de 38.000 euros como aportación municipal ao financiamento dos programas a convenir, con cargo á partida 3130.131003 (2006). (Oficina técnica Plan Local Drogodependencias).

**10(522).- ADXUDICACIÓN DE CINCEIROS NO CEMITERIO DE BEMBRIVE. EXPTE. 7577/255.**

Examinadas as actuacións do expediente de acordo co informe-proposta de data 11-05-06, do xefe do sector de Acción Social, conformado polo concelleiro-delegado da área de Asuntos Sociais,

A Xunta de Goberno Local, acorda:

Primeiro: Adxudicarlle ás persoas que se relacionan, os cinceiros que para cada un se expresan, segundo emprazamento e número, nos cemiterios municipais que de seguido se sinalarán:

*CINCEIROS NO CEMITERIO DE BEMBRIVE*

<u>NOME DO ADXUDICATARIO</u>	<u>Nº BOCAS</u>	<u>BLOQUE</u>	<u>SOLAR</u>
JOSE BENJAMIN ACUÑA ALONSO	98	36	5
PATRICIA PARENTE NIETO	156	36	5
GUADALUPE DORNA ALBA	157	36	5
DEOLINDA RIVERA LOPEZ	158	36	5
LUIS JUSTO HERNANDEZ	159	36	5
JESUS ESTEVEZ VAZQUEZ	160	36	5
MANUEL ANGEL IGLESIAS VAZQUEZ	161	36	5
JULIO SOTO MIGUELEZ	162	36	5
ALEJANDRA CRUCES PALLARES	163	36	5
ESPERANZA SANCHO LOZANO	164	36	5
ANA MARIA ALFONSO FLORES	165	36	5
JOSE ANGEL FRADE MILLAN	166	36	5
JULIA CASTRO VAZQUEZ	167	36	5
CARMEN LEIRO DIZ	168	36	5
FLORIAN MARTINEZ FERNANDEZ	169	36	5
JULIO VERISIMO MARTINEZ	170	36	5
MARIA JOSE GUILLEN VAZQUEZ	171	36	5
ADELA PEREZ MOREIRAS	172	36	5
MARIA CARMEN GARCIA IGLESIAS	173	36	5
MARIA CARMEN URGAL VALVERDE	174	36	5
PILAR VILAS MARTINEZ	175	36	5
PORFIRIA HERBELLO RIAL	176	36	5
RIA ROSA RODAS NOVAS	177	36	5
MARIA VICTORIA BRAVO MARTINEZ	178	36	5
CELSA GOMEZ CID	179	36	5
JOSEFA PETRA GANDARA YAÑEZ	180	36	5
MARIA TERESA MANZANO GARCIA	181	36	5
MARIA LAREDO ROMAN	182	36	5
MARIA TERESA PIÑEIRO ASTARIZ	183	36	5
FRANCISCO J. MARTINEZ BOENTE	184	36	5
JOSE JOAQUIN FONTAÑA RIAL	185	36	5
ROSA MARIA GENTIL FERNANDEZ	186	36	5
EULALIA MALVIDO IZQUIERDO	187	36	5
CRISTINA J. FUENTES RODRIGUEZ	188	36	5
CONCEPCION RODRIGUEZ CAMPO	189	36	5
DOLORES VILA IGLESIAS	190	36	5
MARIA BENIGNA VIDAL CASTRO	191	36	5

HIGINIO CONDE FERNANDEZ	192	36	5
RAMONA RODRIGUEZ NOGUEIRA	193	36	5
AMADO ROADE HERRERO	194	36	5
CLARA SOTELO FERNANDEZ	195	36	5
SUSANA ALVAREZ LAHER	196	36	5
LUISA RODAL PUENTES	197	36	5
MODESTO CUESTA DE LA CUESTA	198	36	5
<u>NOME DO ADXUDICATARIO</u>	<u>Nº BOCAS</u>	<u>BLOQUE</u>	<u>SOLAR</u>
LUCIO VARELA BORREGUERO	199	36	5
HORTENSIA GONDA ALVAREZ	200	36	5
CARMEN MARTINEZ FERNANDEZ	201	36	5
HORTENSIA DE LA IGLESIA MONTERO	202	36	5
ANGELES GOMEZ RODRIGUEZ	203	36	5
CONCEPCION AMERICA BOTELLO	204	36	5
MARIA FLORA NUÑEZ MARTINEZ	205	36	5
AMALIA CHIERRONI PEREZ	206	36	5
MARIA CARMEN GAVIN BLANCO	207	36	5
CARMEN DIZ GARCIA	208	36	5
MARIA MAGDALENA VEGA SILVA	209	36	5
ISABEL CRESPO FOX	210	36	5
MANUEL RIVERA MARTINEZ	211	36	5
MARIA ANGELES GONZALEZ GUNDIN	212	36	5
ISABEL AGUIAR PAMPIN	213	36	5
ISABEL PEREZ IGLESIAS	214	36	5
MANUELA CAL BOUZON	215	36	5
MILAGROS GONZALEZ PEDREIRA	216	36	5
FERMIN IGNACIO PIRAME GARCIA	217	36	5
CARMEN LINA LORENZO RODRIGUEZ	218	36	5
JOSE LUIS ALONSO COSTAS	219	36	5
ERNESTO MARTINEZ BARREIRO	220	36	5
CESAREO PEREZ PEREZ	221	36	5
MARIA JOSEFA SANDE DOPAZO	270	1º Andanada	4
ALEJANDRO JIMENEZ MONTOYA	62	4ª Andanada	11

Segundo: As adxudicacións outorganse por un prazo de cincuenta anos a contar dende a data da liquidación do nicho ou cinceiro adxudicado.

Terceiro: De conformidade co previsto no art. 7º da Ordenanza en vigor, os acordos de adxudicación estarán condicionados o pagamento das cantidades sinaladas no apartado A.2 do art. 5º da Ordenanza. En todo caso, quedará sen efecto a adxudicación, sen necesidade de notificación expresa, cando se producira o impago da totalidade ou dalgunha fracción, no prazo dun mes contado dende a finalización do prazo para pagamento que se fixa na notificación correspondente.

**11(523).- PRÉSTAMO TEMPORAL DE OBRAS DO LEGADO DE POLICARPO SÁNZ AO CONSORCIO DE MUSEOS DA COMUNIDADE VALENCIANA PARA EXPOSICIÓN. EXPTE. 2048/337.**

Examinadas as actuacións do expediente, dáse conta do informe-proposta do director en funcións do Museo Municipal de Vigo “Quiñones de León” de data 9-05-06, conformado polo concelleiro-delegado da Área de Asuntos Sociais e presidente do Padroado, que di o seguinte:

*“No museo municipal recibíuse unha solicitude do Consorcio de museos da Comunidade Valenciana para o préstamo temporal das obras do legado de Policarpo Sanz: “Alegoría” Anónimo. Escuela flamenca, nº inventario 734 e “Santa Cecilia” Atribuído a Dolci, nº inventario 695, ambas pertencentes á colección de arte galega do museo, co fin de mostralas na exposición “La Reina Dña. Germmana de Foix y la sociedad cortesana de su tiempo”, a celebrar do 27 de xuño e o 8 de outubro de 2006 no Monasterio de San Miguel de los Reyes.*

*Por parte do Museo, comunicouse á entidade a necesidade de face-la solicitude no impreso oficial do propio Museo, facilitándolles as fichas da obras solicitadas con fotografías, das que figuran copias no expediente.*

*Segundo o informe do estado de conservación que se achega, solicitado por parte do Museo municipal á conservadora María Rosa Seoane Gámez, o estado de conservación das obras é bo polo que, en vista do interese da mostra, e a falta de conservador especializado, seguindo instrucións do concelleiro da área de asuntos sociais, faise á xunta de goberno local a seguinte, PROPOSTA*

*“Autorizar ó Consorcio de Museos da Comunidade Valenciana, con CIF 96 0000 6 B o préstamo temporal, dende o 19 de maio ata o 18 de outubro, das obras do legado de Policarpo Sanz: “Alegoría” Anónimo. Escuela flamenca, nº inventario 734 e “Santa Cecilia” Atribuído a Dolci, nº inventario 695, pertencentes á colección de arte galega do museo, co fin de mostralas na exposición “La Reina Dña. Germmana de Foix y la sociedad cortesana de su tiempo”, a celebrar do 27 de xuño e o 8 de outubro de 2006 no Monasterio de San Miguel de los Reyes; conforme coas condicións habituais de préstamo establecidas polo municipal, dando coñecemento deste préstamo ó padroado do museo na primeira xuntanza que se convoque”.*

Acordo

A Xunta de Goberno Local aproba a proposta contida no precedente informe.

**12(524).- SOLICITUDE DA DELEGACIÓN DE VIGO DA FEDERACIÓN GALEGA DE ATLETISMO DE AUTORIZACIÓN PARA A ORGANIZAR A “CARREIRA DA MULLER (ANDAR E CORRER)” O 28.05.06. EXPTE. 6166/333.**

Examinadas as actuacións do expediente, dáse conta do informe-proposta do director deportivo do IMD de data 8-05-06, conformado pola concelleira da Área de Promoción Económica e Desenvolvemento Local, que di o seguinte:

*“Segundo consta neste expediente a delegación de Vigo da Federación Galega de Atletismo ten previsto organizar o vindeiro día 28 de maio de 2006 a proba deportiva denominada “Carreira da Muller (Andar e Correr)”.*

Esta carreira, está previsto que se desenvolva no percorrido seguinte: Saída dende a rotonda onde está o Monumento os Canteiros en Bouzas as 11:00 h. e percorrido pola avda. de Beiramar, Canovas del Castillo ata a súa chegada a zona do Náutico as 14:00 h.

O devandito evento xa se notificou a POLICÍA LOCAL e a PROTECCIÓN CIVIL

Visto o anterior, propónse a Xunta de Goberno Local a adopción do seguinte acordo:

“Autorizar a delegación de Vigo da Federación Galega de Atletismo a organizar o vindeiro día 28 de maio de 2006 a proba deportiva denominada "Carreira da Muller (Andar e Correr)", que está previsto se desenvolva no percorrido seguinte: saída dende a rotonda onde está o Monumento os Canteiros en Bouzas as 11:00 h. e percorrido pola avda. de Beiramar, Canovas del Castillo ata a súa chegada a zona do Náutico as 14:00 h.“.

Acordo:

A Xunta de Goberno Local aproba a proposta contida no precedente informe.

### **13(525).- XUSTIFICANTES DE LIBRAMENTOS.**

Examinados os xustificantes de libramentos remitidos por Intervención Xeral a Xunta de Goberno local aproba a seguinte relación dos mesmos:

NOME	O.PAGO	IMPORTE	XUSTIFIC.	REINTEG.	
ALONSO FERRAGUD SANTIAGO	0605750	6.200,00	5.884,33	315,67	
“	0609367	746,52	746,52		
ESPADA RE CAREY LUIS	0602511	300,00	296,33	3,67	
“	0602512	300,00	258,60	41,40	
“	0602513	300,00	300,00		
“	0602514	300,00	282,30	17,70	
“	0602516	12.000,00	11.935,71	64,29	
“	0608582	12.000,00	11.425,65	574,35	
GOMEZ JANEIRO MARIA	0605216	1.176,00	1.176,00		
“	0608580	50,45	50,45		
GONZALEZ DOMINGUEZ LUZ MARIA	0601249	16.500,00	13.500,00	3.000,00	
“	0601262	109.192,22	97.602,27	11.589,95	
“	0601265	13.053,00	13.053,00		
“	0604291	95.945,00	92.944,98	2.000,02	
LOPEZ MOURE JESUS	0603864	318,10	308,10	10,00	
“	0603865	86,10	80,11	5,99	
“	0604554	7.308,00	7.308,00		
“	0608297	30.043,00	30.043,00		
“	0613636	33.525,44	33.525,44		
OJEA PEREZ IGNACIO	0603497	1.001,92	1.001,92		

PINTADO GARCIA CARMEN	0605274	1.800,00	1.799,11	0,89	
“	0608437	787,60	787,60		
RODRIGUEZ LAGOA ELISA	0604033	1.008,04	1.008,04		
“	0604556	3.250,00	2.600,00	650,00	
“	0604702	202,80	225,30		22,50
“	0604703	80,01	80,01		
“	0604719	417,60	417,60		
“	0610374	320,00	320,00		
“	0610375	179,80	179,80		
“	0610376	140,77	140,77		
NOME	O.PAGO	IMPORTE	XUSTIFIC.	REINTEG.	
RODRIGUEZ LAGOA ELISA	0609373	191,81	191,81		
“	0613133	64,48	64,48		
ROMO PEREZ VICENTE	0610362	324,08	324,08		
SANLUIS COSTAS AVELINO	0601291	300,00	291,12	8,88	
“	0601293	300,00	299,54	0,46	
“	0601347	4.000,00	3.832,79	167,21	
“	0603498	1.000,00	0,00	1.000,00	
“	0603499	1.000,00	0,00	1.000,00	
“	0603972	1.000,00	69,10	930,90	
“	0603971	600,00	495,80	104,20	
“	0603970	500,00	495,80	4,20	
“	0603969	122,07	18,70	103,37	
“	0604509	330,00	330,00		
“	0604510	18.750,00	17.550,00	1.200,00	
“	0608617	1.000,00	361,73	638,27	
SANLUIS COSTAS AVELINO	0608618	600,00	576,30	23,70	
”	0608632	122,07	122,07		
“	0608631	495,80	495,80		
“	0608633	122,07	122,07		
“	0608619	495,80	495,80		
“	0610924	600,00	495,80	104,20	
“	0610923	500,00	0,00	500,00	
“	0610928	1.846,77	1.813,47	33,30	
“	0610929	272,86	254,41	18,45	
SOTO ALVAREZ CARLOS	0601284	6.750,00	6.750,00		
“	0603769	6.000,00	1.284,00	4.716,00	
“	0603768	50.300,00	43.246,96	7.053,04	
“	0603770	8.000,00	308,15	7.691,85	
“	0603771	3.800,00	245,36	3.554,64	
“	0603772	3.400,00	0,00	3.400,00	
“	0603773	5.000,00	1.928,67	3.071,33	
TOTAL			411.744,75		

**14(526).- CRITERIOS TÉCNICOS A TER EN CONTA POLOS SERVIZOS MUNICIPAIS PARA AUTORIZAR OU PROHIBIR AS ACTIVIDADES QUE SE SOLICITEN NOS AREAIS DA CIDADE NA TEMPORADA DE VERÁN. EXPTE. 4267/306.**

Examinadas as actuacións do expediente, dáse conta do informe-proposta do técnico supervisor de Medio Ambiente, Sanidade e Consumo, Secretario do Órgano xestor de praias, do 05.05.06, conformado polo concelleiro do dito Servizo, que di o seguinte:

*“I.1. O «Órgano xestor de praias», presidido polo Sr. concelleiro-delegado de Medio Ambiente, ten asignadas, entre outras, as funcións de coordinación dos servizos, a xestión de recursos e as facultades de seguimento, informe e proposta en relación coa xestión das praias de Vigo (XGL do 31.05.2004; exp. nº 2575/306).*

*I.2. Na súa última reunión de data 25.04.2006 propuxo, por unanimidade dos asistentes, a adopción duns criterios técnicos comúns e xerais a ter en conta polos servizos municipais para decidir en cada caso sobre a autorización ou prohibición das diversas actividades que cada ano se solicitan nos areais da cidade na temporada de verán. Xúntase copia da acta desa reunión.*

*I.3. Tales criterios técnicos son os seguintes:*

- 1º. «É absolutamente prioritaria a preservación dos areais para o seu uso libre, público e común por parte de todos os cidadáns, para o baño e o descanso.*
- 2º. As actividades de tipo lúdico que se propoñan durante o periodo estival só deberían autorizarse con carácter excepcional, de forma restrictiva e sempre que:*
  - Se trate de actividades cun claro interese público municipal, máis aló dos intereses puramente privados ou comerciais dos organizadores ou patrocinadores dos eventos.*
  - Se trate de actividades que se desenvolvan fundamentalmente no mar e, como moito, precisen dunha reducida reserva de espazo en terra (p.ex. a pista de patinaxe en Samil ou o espazo que, eventualmente, poida reservarse no Vao logo de finalizadas as obras), sen que, con carácter xeral, se autorice a utilización para estes fins das prazas de aparcamento dispoñibles.*
  - Os titulares das actividades autorizadas asuman pola súa conta o custo das infraestructuras, servizos e subministros necesarios (electricidade, abastecemento, megafonía, etc.)».*

*I.4. Para acadar unha actuación homoxénea nesta materia por parte dos distintos servizos municipais e resolver conforme a Dereito sobre as solicitudes xa presentadas, parece oportuno que polo órgano municipal competente se adopte acordo expreso aprobando os anteriores criterios técnicos.*

**II. NORMATIVA EXAMINADA**

- L.7/85, do 2 de abril, Reguladora das Bases do Réxime local.*
- L.57/2003, do 16 de decembro, de medidas para a modernización do goberno local.*
- L.5/97, do 22 de xullo, de Administración local de Galicia.*
- L.30/1992, do 26 de novembro, de Réxime xurídico das Administracións públicas e do Procedemento administrativo común.*
- L.22/1988, do 28 de xullo, de Costas.*

### III. PROPOSTA DE ACORDO

En consecuencia, visto o que antecede e a normativa aplicable, de consideralo oportuno a Xunta de Goberno Local, podería adoptar o seguinte, acordo,

PRIMEIRO: Aprobar os criterios técnicos a ter en conta polos servizos municipais para autorizar ou prohibir as actividades que se soliciten nos areais da cidade na temporada de verán. Tales criterios son os seguintes:

- 1º. *É absolutamente prioritaria a preservación dos areais para o seu uso libre, público e común por parte de todos os cidadáns, para o baño e o descanso.*
- 2º. *As actividades de tipo lúdico que se propoñan durante o periodo estival só deberían autorizarse con carácter excepcional, de forma restrictiva e sempre que:*
  - *Se trate de actividades cun claro interese público municipal, máis aló dos intereses puramente privados ou comerciais dos organizadores ou patrocinadores dos eventos.*
  - *Se trate de actividades que se desenvolvan fundamentalmente no mar e, como moito, precisen dunha reducida reserva de espazo en terra (p.ex. a pista de patinaxe en Samil ou o espazo que, eventualmente, poida reservarse no Vao logo de finalizadas as obras), sen que, con carácter xeral, se autorice a utilización para estes fins das prazas de aparcamento dispoñibles.*
  - *Os titulares das actividades autorizadas asuman pola súa conta o custo das infraestructuras, servizos e subministrados necesarios (electricidade, abastecemento, megafonía, etc.)*

SEGUNDO: *Dar traslado deste acordo a todos os servizos municipais representados no Órgano xestor de praias, para o seu debido coñecemento e cumprimento».*

#### Acordo:

A Xunta de Goberno Local aproba a proposta que se contén no informe transcrito anteriormente.

### **15(527).- DEVOLUCIÓN DE AVAL A SANCHEZ ALVAREZ S.L. CONSTITUÍDA CON MOTIVO DE RESERVA ESPECIAL DE VÍA PÚBLICA POR OBRA NA RÚA GARCÍA BARBÓN, 25. EXPTE. 72239/210.**

Examinadas as actuacións do expediente, dáse conta da proposta de acordo de data 11 de maio da xefa de Seguridade e Transportes, conformado polo concelleiro-delegado de Mobilidade e Seguridade, que di o seguinte:

*“En data 17 de agosto de 2005, por parte de SANCHEZ ALVAREZ, S.L, constituíuse un aval de 1.500 € para responder dos posibles danos que se poideran ocasionar ao patrimonio municipal con motivo da reserva especial de vía pública por obra na rúa GARCIA BARBÓN, 25.*



*Finalizada dita reserva especial de vía pública por obra, SANCHEZ ALVAREZ, S.L en data 8 de maio de 2006 solicita a baixa da mesma e a devolución do aval constituído a tal efecto.*

*En data 10 de maio de 2006, o inspector de Seguridade Vial informa que se pode proceder á devolución do aval porque retiraron toda a sinalización de obra.*

*Polo exposto, sométese á consideración da Xunta de Goberno Local a adopción do seguinte ACORDO:*

*Que polos servicios da Intervención municipal, se proceda á devolución do aval constituído en data 17 de agosto de 2005 por SANCHEZ ALVAREZ, S.L, con CIF B-36.012.540, por un importe de 1.500 €, para responder dos posibles danos que se poideran ocasionar ao patrimonio municipal con motivo da reserva especial de vía pública por obra na rúa GARCIA BARBON, 25, por non producirse danos.”*

#### Acordo

A Xunta de Goberno Local aproba a proposta contida no precedente informe.

#### **16(528).- DEVOLUCIÓN DE AVAL A CONSTRUCCIONES VIPOMAR S.L. CONSTITUÍDA CON MOTIVO DA RESERVA ESPECIAL DE VÍA PÚBLICA POR OBRA NA RÚA AVDA. DE GALICIA Nº 129. EXPTE. 72240/210.**

Examinadas as actuacións do expediente, dáse conta da proposta de acordo de data 11 de maio da xefa de Seguridade e Transportes, conformado polo concelleiro-delegado de Mobilidade e Seguridade, que di o seguinte:

*“En data 13 de xaneiro de 2006, por parte de CONSTRUCCIONES VIPOMAR, S.L, constituiuse un aval de 1.500 € para responder dos posibles danos que se poideran ocasionar ao patrimonio municipal con motivo da reserva especial de vía pública por obra na rúa AVDA DE GALICIA, 129.*

*Finalizada dita reserva especial de vía pública por obra, CONSTRUCCIONES VIPOMAR, S.L en data 28 de abril de 2006 solicita a baixa da mesma e a devolución do aval constituído a tal efecto.*

*En data 3 de maio de 2006, o inspector de Seguridade Vial informa que se pode proceder á devolución do aval porque retiraron toda a sinalización de obra.*

*Polo exposto, sométese á consideración da Xunta de Goberno Local a adopción do seguinte ACORDO:*

*Que polos servicios da Intervención municipal, se proceda á devolución do aval constituído en data 13 de xaneiro de 2006 por CONSTRUCCIONES VIPOMAR, S.L, con CIF B-36.209815, por un importe de 1.500 €, para responder dos posibles danos que se poideran ocasionar ao patrimonio municipal con motivo da reserva especial de vía pública por obra na rúa AVDA DE GALICIA, 129, por non producirse danos.”*

#### Acordo

A Xunta de Goberno Local aproba a proposta contida no precedente informe.

**17(529).- EXPEDIENTE DE CONTRATACIÓN DOS SERVIZOS DE LIMPEZA DE COLEXIOS E ESCOLAS PÚBLICAS DO CONCELLO DE VIGO. EXPTE. 6753/332.**

Examinadas as actuacións do expediente, visto o informe-proposta de data 08-05-06 do xefe de negociado do Departamento de Contratación conformado polo concelleiro da área de Educación e intervido e conformado polo interventor xeral do Concello, visto así mesmo que figura no expediente o informe do titular da Asesoría Xurídica,

A Xunta de Goberno Local, acorda:

Primeiro.- Autoriza-lo 2.351.204,79 euros para a prestación dos servizos de de limpeza dos colexios e escolas públicas así como de 30.000 euros anuais para limpeza extraordinarias que se imputarán á partida 422.0.227.00.00 do vixente presuposto.

Segundo.- Aproba-lo prego de condicións administrativas (este modificado de acordo co informe do Interventor Xeral de 24-03-2006) e técnicas para a prestación dos servizos de de limpeza dos colexios e escolas públicas do concello de Vigo.

Terceiro.- Convoca-lo concurso para a selección do contratista na forma prevista na lexislación vixente.

**18(530).- EXPEDIENTE DE CONTRATACIÓN DO SERVIZO DE COLABORACIÓN EN MATERIA DE LOITA CONTRA INCENDIOS FORESTAIS. EXPTE. 4155/306.**

Examinadas as actuacións do expediente, visto o informe-proposta do xefe de negociado do departamento de Contratación de data 18 de abril de 2006, conformado polo xefe da Área de Contratación e Novos Proxectos e polo concelleiro da área de Medio Ambiente, visto que o expediente está así mesmo intervido e conformado pola Intervención Xeral e que figura nel o informe do titular da Asesoría Xurídica,

A Xunta de Goberno Local, acorda:

Primeiro.- Autorizar o gasto de 32.000 euros para a prestación dos servizos de colaboración en materia de loita contra incendios forestais que se imputarán á partida presupostaria 4450.22706.03 do vixente orzamento.

Segundo.- Aprobar o prego tipo de cláusulas administrativas particulares para a contratación de servizos polo Excmo. Concello de Vigo xunto coa Folla de Especificacións do Contrato (FEC) e o prego

de prescricións técnicas para a prestación dos servizos de colaboración en materia de loita contra incendios forestais.

Terceiro.- Convocar a licitación para a selección do contratista na forma prevista na lexislación vixente mediante tramitación ordinaria.

**19(531).- EXPEDIENTE DE CONTRATACIÓN DA SUBMINISTRACIÓN DE TROFEOS E MEDALLAS PARA SER EMPREGADOS COMO PREMIOS INSTITUCIONAIS EN EVENTOS E ACTIVIDADES DEPORTIVAS QUE SE DESENVOLVAN EN VIGO. EXPTE. 6022/333.**

Examinadas as actuacións do expediente, visto o informe-proposta do xefe de negociado do departamento de Contratación de data 13-05-06, conformado polo xefe da Área de Contratación e así mesmo pola concelleira de Deportes, visto o intervido e conformado do interventor e xeral e que no expediente figura o informe do titular da Asesoría Xurídica,

A Xunta de Goberno Local, acorda:

Primeiro.- Autorizar o gasto de 36.144,58 euros/ano para a subministración de trofeos e medallas destinados a seren empregados como premios institucionais para os eventos e actividades deportivas que se desenvolvan en Vigo con cargo á partida 4521.226.08.01 do presuposto do ano 2006 e sucesivos.

Segundo.- Aprobar os pregos de cláusulas técnicas e administrativas para a contratación por concurso aberto da subministración de trofeos e medallas destinados a seren empregados como premios institucionais para os eventos e actividades deportivas que se desenvolvan en Vigo.

Terceiro.- Convocar o concurso para a selección do contratista na forma prevista na lexislación vixente.

**20(532).- ADXUDICACIÓN DO CONCURSO PARA O ALUGER DE MAQUINARIA CON OPERADOR. EXPTE. 47342/250.**

Á vista da documentación obrante no expediente, dáse conta da proposta da Mesa de Contratación realizada o día 05-05-06, de adxudicación do concurso para o aluguer de maquinaria con operador:

*“En primeiro lugar fanse constar as seguintes puntualizacións respecto do informe do Enxeñeiro Xefe de Vias e Obras de 02-05-2006 :*

- *A puntuación máxima prevista no prego de condicións para o criterio de maior baixa porcentual ofertada é de 50 puntos, polo tanto esta é a puntuación a outorgar por este criterio e non 60 puntos como se sinala no informe.*

- *En canto a puntuación outorgada polo criterio “melloras na calidade da prestación do servizo, tales como menor nº de anos acreditados da maquinaria, características especiais da mesma etc eda por boa a puntuación de 10 puntos outorgada no informe por que neste procedemento presentouse un único licitador pero faise constar que estas puntuacións teñen que motivarse.*

*Como consecuencia de estas consideracións a puntuación obtida é de 90 puntos e non de 110 como figura no informe do Enxeñeiro Xefe de Vías e Obras.*

*A vista do do informe do enxeñeiro xefe de Vías e Obras de 02-054-2006 coas matizacións efectuadas pola Mesa de Contratación en este acto, se acorda por unanimidade dos membros presentes propoñer á Xunta de Goberno a adopción do seguinte acordo:*

*“Adxudicar a Sercoysa Proyectos y Obras, S.A. o concurso para o aluguer de maquinaria con operador por un importe máximo de 210.000 euros e ún desconto porcentual medio de 24,5% respecto dos prezos relacionados no anexo I do prego de prescripcións técnicas. Todo iso de acordo co prego de condicións técnicas e administrativas que foron aprobadas pola xunta de Goberno Local do 20 de febreiro de 2006 e a oferta presentada.”*

#### Acordo

A Xunta de Goberno Local aproba a proposta contida na precedente proposta da Mesa de Contratación

#### **21(533).- RECLAMACIÓN DA COMUNIDADE DE PROPIETARIOS DO EDIFICIO 61 DA AVDA. MARTÍNEZ GARRIDO PARA REPARACIÓN DAS ZONAS DE USO PÚBLICO ANEXAS AO EDIFICIO. EXPTE. 15362/240. DESESTIMADA.**

Examinadas as actuacións do expediente, dáse conta do informe-proposta do xefe de Patrimonio, do 3.05.06, conformado pola xefa da Área de Réxime Interior e polo concelleiro delegado de Patrimonio, que di o seguinte:

#### *NORMATIVA DE APLICACIÓN:*

- *L 7 /1985 de 2 de abril, Reguladora das Bases de Reximen Local (LRBRL).*
- *L 33/2003 do 3 novembro, do Patrimonio das Administracións Públicas (LPAP)*
- *L30/1992 de 26 de novembro, de Reximen Xurídico das Administracions Publicas e do Procedemento Administrativo Común. (LRXAP e PAC).*
- *RD 24 xullo de 1889 do Codigo Civil (CC).*
- *RD 1346/1976 de 9 de Abril, Texto refundido da Lei sobre Reximen do Solo e Ordenación Urbana. (TRLSOU).*
- *RD 3288/1978 de 25 agosto, Regulamento de Xestión Urbanística (RXU).*

#### *ANTECEDENTES*

*1º.-Pola Comunidade de Propietarios do nº 61 da Avda. E. Martínez Garrido, solicítase a reparación da propiedade municipal nº 594, cesión uso público en superficie.*

2º.-A oficina do Inventario municipal emite informe en data 22 de febreiro de 2006 sobre a propiedade nº 594 do Inventario Municipal.

3º.-O Arquitecto municipal adscrito ao departamento de Patrimonio informa en data 30 de marzo de 2006 en relación ao estado da zona de uso público denunciada.

#### FUNDAMENTOS DE DEREITO

*PRIMEIRO.- Resulta cuestión previa e necesaria para a determinación da procedencia ou non da reclamación presentada o coñecemento dos dereitos que sobre a zona afectada ostenta esta Administración e o promotor dos edificios, ou, no seu caso, na actualidade quen traia causa deste (Comunidade de Propietarios).*

*SEGUNDO.- O Concello de Vigo, segundo resulta da información que obra na oficina do Inventario, adquiriu mediante cesión gratuita o dereito de uso en superficie de 273,20 m2. para destino á zona verde no ano 1982, mediante escritura pública outorgada por D. Antonio Blanco Pereiro e outros, e autorizada polo Notario D. Javier Soaje Hermida, baixo o nº 402 do seu protocolo.*

*Dacordo co sinalado na letra b, apartado 4º da parte expositiva da devandita escritura pública, a cesión comprende o uso e utilización de 273,20 m2 da finca matriz con destino a jardines, senda peatonal, servicios, etc... Dicha utilización y uso se refiere exclusivamente a la superficie, puesto que el propietario podrá aprovechar el subsuelo con destino a sótanos.*

*Conseguentemente, o Concello é titular unicamente dun dereito real de uso e utilización en superficie da zona afectada co que resulta gravado o inmovible, reservándose o transmitente a propiedade deste coa finalidade do seu aproveitamento, en subsolo, coa construción de garaxes.*

*A cesión pola propiedade do dereito a favor do Concello ven motivada pola necesidade de dar cumprimento os deberes de cesión obrigatoria e gratuita previstos na normativa urbanística de aplicación, e a que resultou afectada a finca do transmitente no proxecto de reparcelación aprobado para o seu destino a uso público (xardins, senda peonís, servizos, etc), dacordo co disposto no art. 100 da Lei sobre Réximen do Solo e Ordenación Urbana (TR da LSOU de 1976.*

*Como titular do dereito de uso en superficie, corespondelle a esta Administración, salvo excepción da súa imposición e atribución a unha entidade conservadora constituída o efecto (art. 68 e ss do RXU), o mantemento, conservación e realización das reparacións ordinarias que resulten necesarias, considerando como ordinarias as exisidas polos deterioros ou desperfectos procedentes do uso natural das cousas e indispensables para a súa conservación (art. 500 CC.).*

*TERCEIRO.- O Arquitecto municipal, en data 30 de marzo de 2006, sinala en relación o estado da zona de uso público, que comprobouse a incorrecta execución do forxado das placas de garaxe que non foron cubertas polos 80 cm de terra vexetal de protección á que obrigaba o planeamento urbanístico, previa a cesión do uso público en superficie, como do estado da tea asfáltica que polo tempo transcorrido, mais de 20 anos, atópase no límite da súa vida útil. Asimesmo informa que a construción dos paramentos verticais, escaleiras e desagues foron no seu momento mal executados.*

*Nestas circunstancias pódese deducir que os problemas de impermeabilización denunciados non se deben ao uso en superficie que da edificación faise, senon mais ben pódese achacar á unha deficiente execución da cuberta dos forxados das placas dos garaxes, e o agotamento da vida útil da tea asfáltica que a cubre, feitos todos eles que determinan o seu orixen, e conseguintemente a responsabilidade da propiedade tanto na súa condición de titular do inmovible como da execución dos forxados, paramentos verticais, escaleiras e os desagües, obxecto da reclamación presentada.*

*Por todo o anteriormente exposto, proponse á Xunta de Goberno Local a adopción do seguinte acordo:*

*UNICO.- Desestimar a reclamación formulada pola Comunidade de Propietarios do edificio 61 da Avda. E. Martínez Garrido, para a reparación das zonas de uso público anexas o edificio nº 61 da Avda. E. Martínez Garrido, ó non ser causa do deterioro e deficiencias, a súa utilización pública en superficie a que destínanse.*

#### Acordo

A Xunta de Goberno local aproba a proposta contida no precedente informe.

### **22(534).- RECLAMACIÓN DA COMUNIDADE DE PROPIETARIOS DO EDIFICIO 57-59 DA AVDA. FRAGOSO PARA REPARACIÓN DAS FILTRACIÓNS NOS GARAXES DO EDIFICIO. EXPTE. 3305/446. DESESTIMADA.**

Examinadas as actuacións do expediente, visto o escrito de reclamacións da Comunidade de Propietarios Fragoso 57-59, e visto o informe-proposta de data 3-05-06 que a seguir se transcribe do xefe de Patrimonio, conformado pola xefa da Área de Réxime Interior e polo concelleiro-delegado de Patrimonio

#### *“ANTECEDENTES*

*1º.-Pola Comunidade de Propietarios do nº 57-59 da Avda.Fragoso, solicítase a reparación das filtracions que se producen nos garxes provenientes da zona verde de cesión en uso pertencente o Concello ( propiedade municipal nº 386).*

*2º.-A oficina do Inventario municipal emite informe en data 13 de marzo de 2006 sobre a propiedade nº 386 do Inventario Municipal.*

*3º.-O Arquitecto municipal adscrito ao departamento de Patrimonio informa en data 30 de marzo de 2006 en relación ao estado da zona de uso público denunciada.*

#### **FUNDAMENTOS DE DEREITO**

*PRIMEIRO.- Resulta cuestión previa e necesaria para a determinación da procedencia ou non da reclamación presentada o coñecemento dos dereitos que sobre a zona afectada ostenta esta Administración e o promotor dos edificios, ou, no seu caso, na actualidade quen traia causa deste (Comunidade de Propietarios).*

*SEGUNDO.- O Concello de Vigo, segundo resulta da información que obra na oficina do Inventario, adquiriu mediante cesión gratuita o dereito de uso en superficie de 222 m2. para destino á zona verde no ano 1985, mediante escritura pública outorgada por D. Marciano Fernandez Costas, e autorizada polo Notario D. Jose rueda Perez, baixo o nº 622 do seu protocolo.*

*Dacordo co sinalado na letra b, apartado 4º da parte expositiva da devandita escritura pública, a cesión comprende o uso e utilización de 222 m2 da finca matriz con destino a jardines, senda peatonal, servicios, etc... Dicha utilización y uso se refiere exclusivamente a la superficie, puesto que el propietario podrá aprovechar el subsuelo con destino a sótanos.*

*Conseguentemente, o Concello e titular unicamente dun dereito real de uso e utilización en superficie da zona afectada co que resulta gravado o inmovible, reservandose o transmitente a propiedade deste coa finalidade do seu aproveitamento, en subsolo, coa construción de garaxes.*

*A cesión pola propiedade do dereito a favor do Concello ven motivada pola necesidade de dar cumprimento os deberes de cesión obrigatoria e gratuita previstos na normativa urbanística de aplicación, e a que resultou afectada a finca do transmitente no proxecto de reparcelación aprobado para o seu destino a uso público (xardins, senda peonis, servizos, etc), dacordo co disposto no art. 100 da Lei sobre Réximen do Solo e Ordenación Urbana (TR da LSOU de 1976.*

*Como titular do dereito de uso en superficie, corespondelle a esta Administración, salvo excepción da súa imposición e atribución a unha entidade conservadora constituída o efecto (art. 68 e ss do RXU), o mantemento, conservación e realización das reparacións ordinarias que resulten necesarias, considerando como ordinarias as exisidas polos deterioros ou desperfectos procedentes do uso natural das cosas e indispensables para a súa conservación (art. 500 CC.).*

*TERCEIRO.- O Arquitecto municipal, en data 30 de marzo de 2006, sinala en relación o estado da zona verde, que comprobouse a incorrecta execución do forxado das placas de garaxe que non foron cubertas polos 80 cm de terra vexetal de protección á que obrigaba o planeamento urbanístico, previa a cesión do uso público en superficie, como do estado da tela asfáltica que polo tempo transcorrido, mais de 20 anos, atópase no límite da súa vida útil.*

*Nestas circunstancias pódese deducir que os problemas de impermeabilización denunciados non se deben ao uso en superficie que da edificación faise, senon mais ben pódese achacar á unha deficiente execución da cuberta dos forxados das placas dos garaxes, e o agotamento da vida útil da tea asfáltica que a cubre, feitos todos eles que determinan o seu orixen, e consequentemente a responsabilidade da propiedade tanto na súa condición de titular do inmovible como da execución dos forxados, obxeto da reclamación presentada. “*

De conformidade co antedito informe-proposta do xefe de Patrimonio, a Xunta de Goberno Local, acorda:

Desestimar a reclamación formulada pola Comunidade de Propietarios do edificio 57-59 da avenida Frago, para a reparación das filtracións nos garaxes do edificio, ó non ser causa do dereito de uso público en superficie da zona verde pertencente ó Concello.

**23(535).- RECURSO POTESTATIVO DE REPOSICIÓN INTERPOSTO POLA SOCIEDADE INTERPARKING HISPANIA S.A. CONTRA ACORDO DA X.GOVERNO DE 27.02.06 DE SUSPENSIÓN O PRAZO DE EXECUCIÓN DAS OBRAS DE REMODELACIÓN**

## **DOS APARCAMENTOS SUBTERRÁNEOS DA PORTA DO SOL E PRAZA DE PORTUGAL. EXPTE. 14714/240.**

Examinadas as actuacións do expediente e de conformidade co seguinte informe-proposta de data 09-05-06 do xefe de Patrimonio, conformado pola xefa da Área de Réxime Interior e polo concelleiro-delegado de Patrimonio

### “Antecedentes:

*Primeiro.- A Xunta de Goberno Local en sesión de 27 de febreiro de 2006 acordou suspender por un periodo de dúas semanas, o prazo outorgado pola Xunta de Goberno Local o 14.11.2005 á Interparking Hispania S.A. para a execución das obras de remodelación dos aparcamentos subterráneos da Porta do Sol e Praza de Portugal. Transcorrido este prazo periodo de dúas semanas continuará computándose o prazo outorgado pola Xunta de Goberno Local.*

*Acordo que consta notificado a interesada en data 21 de marzo de 2006.*

*Segundo.- A Sociedade Interparking Hispania, S.A. en data 21 de abril de 2006 interpon recurso de reposición contra dito acordo solicitando a concesión dun prazo mais amplo para acometer e rematar as obras de reparación do forxado da cuberta, impermeabilización e reposición da Praza de Portugal.*

*Terceiro.- Remitido o recurso para informe técnico, emítese polo Asesor Técnico de Infraestructuras en data 02 de maio de 2006, estimando que “...si ben as obras de levantamento da Praza Portugal, para a reparación do forxado de cuberta, impermeabilización e reposición da praza empezaron o 17 de abril pasado, o retraso é imputable sobre todo, o retraso da concesionaria na contratación das obras, e as condicións meteorolóxicas da primavera. Polo tanto, dado que as obras van a bo ritmo, e que a concesionaria parece dar mostras de querer acometer as obras de reparación, tal como lle requeríu a Xunta de Goberno Local o 14 de novembro do 2005, entendo que se podería acceder o solicitado.”*

### Fundamentos de Dereito:

*Primeiro.- O acordo adoptado pola Xunta de Goberno local na súa sesión do 2 de febreiro pasado, recorrido pola interesada en reposición, suspende provisionalmente o prazo concedido na orden de execución para a realización de determinadas obras de remodelación nos aparcamentos subterráneos da Praza de Portugal e Porta do Sol dos que a recorrente é titular dos dereitos concesionais.*

*A entidade Interparking Hispania S.A, no recurso formulado, fundamenta a súa solicitude de ampliación do prazo outorgado para a execución das obras no aparcamento da Praza de Portugal en dous meses alomenos ao considerar insuficiente o prazo orixinal de 7 meses concedido pola Xunta de Goberno Local o 14.11.2005.*

*Segundo.- En primer lugar procede sinalar que na data na que se interpon o recurso, e tendo en conta o período polo que foi acordada a medida cautelar suspensiva do prazo de execución, esta atopabase esgotada e polo tanto reanudada a vixencia do devandito prazo outorgado.*

*Terceiro.- A teor do solicitado pola entidade, plantexase unha cuestión sobre a concorrencia ou non de identidade obxectiva entre o acordo adoptado e o recurso formulado.*

*Neste orden, podese estimar que no presente caso, non garda relación o acto administrativo adoptado co interesado pola recorrente, producíndose unha incongruencia obxectiva, xa que mentres o acordo da Xunta de Goberno refírese*



*a adopción dunha medida suspensiva o que a recorrente plantexa, non é a revisión ou modificación desta, senon a ampliación dun prazo cuxa duración non é obxecto de dito acordo.*

*Conseguentemente resulta improcedente, e polo tanto desestimábel, a pretensión da interesada de acadar, mediante a impugnación en reposición do acordo do 27 de febreiro, a modificación doutro acordo anterior e firme en vía administrativa.*

*Cuarto.- Por outra banda, e sen prexuízo da resolución do recurso interposto, no que respecta á solicitude da ampliación do prazo da orde de execución dictada pola Xunta de Goberno Local para as obras do Aparcamento da Praza de Portugal, e toda vez que polos servizos técnicos estímase pertinente a súa concesión polo prazo dos 2 meses interesados, poderíase resolver subsidiariamente dita solicitude, en base aos principios de celeridade e economía procedimental, e sendo competencia da propia Xunta de Goberno Local, concurrindo no presente caso as condicións e requisitos legais esixidos polo réxime xurídico regulador do procedemento administrativo, non tratándose dun prazo vencido nin exceder a súa prórroga en mais da metade do inicial. (art 49 LRXAP e PAC).*

*Quinto.- Resulta competente para a resolución do recurso potestativo de reposición interposto pola concesionaria, a Xunta de Goberno Local de conformidade co disposto no art. 116 da LRXAP e PAC, e art. 127. 1.f. da Lei 7/85 do RBRL.”*

A Xunta de Goberno Local, de conformidade con informe-proposta do xefe de Patrimonio, acorda:

Primeiro.- Desestimar o recurso de reposición interposto pola concesionaria Interparking Hispania S.A., contra o acordo da Xunta de Goberno Local de 27.02.2006, polo que se suspendeu provisionalmente o prazo de execución das obras de remodelación dos aparcadoiros subterráneos da Porta do Sol e Praza de Portugal, ao resultar dito acordo axustado a dereito.

Segundo.- Conceder a Interparking Hispania S.A. unha prórroga de dous meses no prazo outorgado por acordo da Xunta de Goberno local o 14.11.2005 para a execución das obras de remodelación do aparcamento da Praza de Portugal.

Terceiro.- Dar traslado do presente acordo aos servizos municipais de Seguridade, Tráfico e Transportes, e Vías e Obras, para o seu coñecemento.

#### **24(536).- RECLAMACIÓNS DE DANOS:**

a) RITA CORRAL FERNÁNDEZ. EXPTE. 16027/240. DESESTIMADA.

Examinadas as actuacións do expediente, dáse conta do informe-proposta da técnica de Admón. Xeral, do 12.05.06, conformado pola xefa da Área de Réxime Interior, que di o seguinte:

*Antecedentes:*

*D. Íñigo Lanero Táboas presenta reclamación de responsabilidade patrimonial, en nome e representación de Dna. Rita Corral Fernández, mediante escrito con data de entrada no Rexistro Xeral deste Concello de 2 de maio de 2003, no que expón que a Sra. Corral, o día 7 de febreiro de 2001, ó baixar dun vehículo autobús urbano na avenida Ramón Nieto, á altura da empresa Álvarez, tivo unha caída por mor dunha focha aberta na calzada con motivo da realización de obras de canalización de servizos, producíndose danos de carácter físico.*

*A reclamación sustanciase a través do correspondente procedemento, realizándose, entre outros, os seguintes trámites:*

- Informe do servizo de Vías e Obras, de data 09/06/2003, no que indican que a focha á que se refire a reclamación fora realizada pola empresa Piñeiro para unha canalización de Jazztel.*
- Informe-proposta de resolución, de data 30/09/2003, de desestimación da reclamación de responsabilidade patrimonial da Sra. Corral por falta de nexo causal entre os danos e o funcionamento do servizo público municipal.*
- Ditame do Consello Consultivo de Galicia, de data 20/11/2003, no que propoñen a retroacción do expediente ó momento anterior ó devandito informe-proposta de resolución por defectos na tramitación do expediente e que se continúe a tramitación, realizando trámites tales como a audiencia á reclamante.*
- Sentenza do Xulgado do Contencioso-Administrativo nº 1 de Vigo, de data 29/11/2005, relativa ó procedemento ordinario 56/04, que falla a estimación parcial do recurso interposto pola Sra. Corral e condena a Administración a retrotraer as actuacións practicadas no expediente administrativo e a continuar coa tramitación tal e come esixe o ditame do Consello Consultivo de Galicia, realizando os trámites necesarios para dictar a resolución.*
- Informe do Inventario Municipal, de data 31/03/2006, indicando que a vía onde ocorreu o accidente non está inventariada como de titularidade municipal, sendo competencia da Xunta de Galicia.*
- Evacúase trámite de audiencia á reclamante, en data 05/04/2006, que non formula alegacións.*

*Fundamentos de dereito:*

*Os artigos 106.2 da Constitución Española e 139.1 da Lei 30/1992, de 26 de novembro, de Réxime Xurídico das Administracións públicas e do Procedemento administrativo común consagran o principio de responsabilidade patrimonial das Administracións públicas, consonte o cal os particulares terán dereito a ser indemnizados por estas, de toda lesión que sufran en cualquera dos seus bens e dereitos, salvo nos casos de forza maior, sempre que a lesión sexa consecuencia do funcionamento, normal ou anormal, dos servizos públicos.*

*Constitúen requisitos xerais precisos para que a acción de responsabilidade patrimonial prospere e, en consecuencia, o perxudicado teña dereito a ser indemnizado, de acordo co disposto no artigo 139 da Lei 30/1992:*

- a) A efectiva realización dun dano ou lesión antixurídica, avaliabel economicamente e individualizado en relación cunha persoa ou grupo de persoas.*
- b) O dano ou lesión debe producir no patrimonio do particular lesionado un prexuízo antixurídico que este non teña o deber de soportar, por non mediar causa ningunha que o xustifique.*
- c) Que a lesión patrimonial sexa consecuencia do funcionamento normal ou anormal dos servizos públicos.*
- d) Que non sexa produto de forza maior.*

*Tendo en conta que, segundo o informe da Oficina Técnica do Inventario Municipal, de data 31/03/06, o vial onde ocorreu o accidente pertence a outra Administración pública, falta un dos presupostos esenciais para que entre en*

xogo o instituto da responsabilidade patrimonial, e este Concello carece de lexitimación pasiva no presente procedemento.

Polo exposto, propónse á Xunta de Goberno Local, en uso das atribucións que lle confire a lexislación vixente, a adopción do seguinte acordo:

*“Desestimar a reclamación de responsabilidade patrimonial formulada por D. Íñigo Lanero Táboas, en nome e representación de Dna. Rita Corral Fernández, ó carecer o Excmo Concello de Vigo de lexitimación pasiva no correspondente procedemento ó non ostentar a titularidade da vía onde ocorreu o sinistro, nin ter asumido título competencial ningún respecto a conservación e mantemento da mesma.”*

#### Acordo

A Xunta de Goberno local aproba a proposta contida no precedente informe.

#### b) MÓNICA ALEJO SEIJO. EXPTE. 15964/240. DESESTIMADA.

Examinadas as actuacións do expediente, dáse conta do informe-proposta da técnica de Admón. Xeral, do 12.05.06, conformado pola xefa da Área de Réxime Interior, que di o seguinte:

##### *Antecedentes:*

*Dna. Mónica Alejo Seijo presenta reclamación de responsabilidade patrimonial, mediante escrito con data de entrada no Rexistro Xeral deste Concello de 09 de abril de 2003, no que expón que o can de súa propiedade, o día 13 de febreiro de 2003, caeu sobre un rexistro de augas pluviais (na rúa Xestoso, en Bembrive), producíndose diversas feridas.*

*A reclamación sustanciase a través do correspondente procedemento, realizándose, entre outros, os seguintes trámites:*

- *Informe da U.T.E. Aqualia-FCC, concesionaria do servizo de saneamento e abastecemento de augas, con data 22/12/2003.*
- *Informe do servizo de Vías e Obras, con data 02/02/2003, no que manifestan que o pozo onde se accidentou o can da Sra. Alejo recolle as augas pluviais do foxo da estrada de acceso á Universidade, sendo de titularidade da Deputación provincial.*
- *Informe do Inventario Municipal, con data 14/03/2006, no que indican que a rúa Xestoso é de titularidade municipal.*
- *Evacúase trámite de audiencia á reclamante, que presenta nova documentación con data 04/04/2006.*

##### *Fundamentos de dereito:*

*Os artigos 106.2 da Constitución Española e 139.1 da Lei 30/1992, de 26 de novembro, de Réxime Xurídico das Administracións públicas e do Procedemento administrativo común consagran o principio de responsabilidade patrimonial das Administracións públicas, consonte o cal os particulares terán dereito a ser indemnizados por estas, de toda lesión que sufran en calquera dos seus bens e dereitos, salvo nos casos de forza maior, sempre que a lesión sexa consecuencia do funcionamento, normal ou anormal, dos servizos públicos.*

Constitúen requisitos xerais precisos para que a acción de responsabilidade patrimonial prospere e, en consecuencia, o perxudicado teña dereito a ser indemnizado, de acordo co disposto no artigo 139 da Lei 30/1992:

- a) A efectiva realización dun dano ou lesión antixurídica, avaliabel economicamente e individualizado en relación cunha persoa ou grupo de persoas.
- b) O dano ou lesión debe producir no patrimonio do particular lesionado un prexuízo antixurídico que este non teña o deber de soportar, por non mediar causa ningunha que o xustifique.
- c) Que a lesión patrimonial sexa consecuencia do funcionamento normal ou anormal dos servizos públicos.
- d) Que non sexa produto de forza maior.

Constatada polos documentos obrantes no expediente a realidade do dano e maila súa cuantificación económica, procede examinar a existencia da relación de causalidade entre o dano e o funcionamento do servizo público, determinante do dereito do particular lesionado a ser indemnizado pola Administración.

Entre os servizos públicos que o ordenamento encomenda á Administración local figura o de subministración de auga e rede de sumidoiros (artigos 25.2.1 l e 26.1.a da Lei 7/1985, de 2 de abril, Reguladora das bases do Réxime local).

No presente expediente reclámase os danos derivados da caída do can propiedade da Sra. Ajejo nun pozo de recollida de augas pluviais sito na cuneta da estrada de acceso ó Campus Universitario de Vigo. O artigo 11.1 da Ordenanza Municipal para a protección e tenencia de animais, aprobada polo Pleno do Excmo. Concello de Vigo en data 16 de febreiro do 2000, establece a obriga de que “nas vías públicas os animais deberán circular suxeitos con correa ou cadea con colar”, tipificando o artigo 41.1 que como infracción leve “Que o animal non circule suxeito por correa ou cadea con colar nas vías públicas e fóra dos lugares e horarios establecidos para que poidan circular libremente e soltos”. Así mesmo, a zona onde se atopa o devandito pozo é unha zona excluída ó tránsito peonil. Á vista destes datos, existen elementos de xuízo suficientes para entender que a responsabilidade polos danos que motivan a reclamación pode ser imputada á Sra. Alejo, na súa calidade de propietaria, que infrinxiu a normativa vixente ó levar ó can solto e deixalo camiñar por unha zona excluída do tránsito. Dado que a negligencia da reclamante interferiu no nexo causal, non é posíbel vincular os danos padecidos polo seu can o funcionamento, normal ou anormal de ningún servizo público desta Administración.

Polo exposto, propónse á Xunta de Goberno Local, en uso das atribucións que lle confire a lexislación vixente, a adopción do seguinte acordo:

“Desestimar a reclamación formulada por Dna. Mónica Alejo Seijo por non corresponder ó Concello de Vigo a responsabilidade patrimonial dos danos, ó non resultar probada a existencia relación de causalidade entre os mesmos e o funcionamento, normal ou anormal, do servizo público municipal”.

#### Acordo

A Xunta de Goberno local aproba a proposta contida no precedente informe.

#### c) MIGUEL ANGEL PÉREZ GÓMEZ. EXPTE. 15/243. DESESTIMADA.

Examinadas as actuacións do expediente, dáse conta do informe-proposta da técnica de Admón. Xeral do Servizo de Patrimonio, do 12.05.06, conformado pola xefa da Área de Réxime Interior, que di o seguinte:

*Antecedentes:*

*Dna. María Jesús Gómez González presenta reclamación de responsabilidade patrimonial en nome e representación de D. Miguel Ángel Pérez Gómez, mediante escrito con data de entrada no Rexistro Xeral deste Concello de 29 de maio de 2003, no que expón que o día 20 de novembro de 2001, ó circular o Sr. Pérez coa motocicleta de súa propiedade, matrícula 2758-BDZ, pola avenida de Madrid, á altura do número 35, esvarou e caeu por mor da presenza de terra e area na calzada, producíndose danos de carácter físico e material.*

*A reclamación sustanciase a través do correspondente procedemento, realizándose, entre outros, os seguintes trámites:*

- Atestado do servizo da Policía Local, de data 21/11/2001, no que os axentes actuantes manifestan que, persoados no lugar dos feitos, atopan a motocicleta caída e o Sr. Pérez sendo atendido por unha ambulancia que o traslada ó hospital non sendo el capaz de lembrar o accidente que tivera; igualmente comprobán a existencia de montículos de terra e area na calzada; así mesmo, identifican a testemuñas do accidente, declarando unha delas (D. Emilio José Villanueva González) que o Sr. Pérez adiantou o vehículo que o Sr. Villanueva conducía pola dereita e a gran velocidade, empotrándose contra un vehículo que se atopaba estacionado na vía.*
- Informe do servizo de Vías e Obras, con data 22/01/2004, indicando que o vial en cuestión é competencia do Concello de Vigo; igualmente, que a area existente na vía puido deberse a restos desprendidos dalgún vehículo, sendo esta de escasa entidade, podendo terse evitado o accidente se o condutor tivese gardado a dilixencia debida.*
- Informe do servizo de Limpeza, con data 30/03/2004, sobre o servizo de limpeza que se realiza na vía onde ocorreu o accidente.*
- Práctica de proba testifical, con data 08/10/2004, ás testemuñas identificadas pola Policía local, que indican que o Sr. Pérez non conducía á velocidade adecuada e que a area existente na calzada estaba na zona de estacionamento, pola que circulaba o Sr. Pérez.*
- Informe do servizo de Parque Móbil, 25/04/2005, manifestando que os prezos contidos no informe pericial do perito D. Martín J. Varela Gómez, presentado polo reclamante, por un valor de 662,17 euros IVE incluído son correctos.*
- Ditame estimatorio para valoración de danos corporais da asesoría médica do Concello, que cuantifica os mesmos en 2.724,29 euros.*
- Evacúase trámite de audiencia ó reclamante, que formula alegacións con data 09/05/2005.*

#### *Fundamentos de dereito:*

*Os artigos 106.2 da Constitución Española e 139.1 da Lei 30/1992, de 26 de novembro, de Réxime Xurídico das Administracións públicas e do Procedemento administrativo común consagran o principio de responsabilidade patrimonial das Administracións públicas, consonte o cal os particulares terán dereito a ser indemnizados por estas, de toda lesión que sufran en calquera dos seus bens e dereitos, salvo nos casos de forza maior, sempre que a lesión sexa consecuencia do funcionamento, normal ou anormal, dos servizos públicos.*

*Constitúen requisitos xerais precisos para que a acción de responsabilidade patrimonial prospere e, en consecuencia, o perxudicado teña dereito a ser indemnizado, de acordo co disposto no artigo 139 da Lei 30/1992:*

- a) A efectiva realización dun dano ou lesión antixurídica, avaliabel economicamente e individualizado en relación cunha persoa ou grupo de persoas.*
- b) O dano ou lesión debe producir no patrimonio do particular lesionado un prexuízo antixurídico que este non teña o deber de soportar, por non mediar causa ningunha que o xustifique.*
- c) Que a lesión patrimonial sexa consecuencia do funcionamento normal ou anormal dos servizos públicos.*

d) *Que non sexa producto de forza maior.*

*Constatada polos documentos obrantes no expediente a realidade do dano e maila súa cuantificación económica, procede examinar a existencia da relación de causalidade entre o dano e o funcionamento do servizo público, determinante do dereito do particular lesionado a ser indemnizado pola Administración.*

*Entre os servizos públicos que o ordenamento encomenda á Administración local figura o de pavimentación das vías públicas urbanas e a conservación dos camiños e vías rurais (artigos 25.2.d e 26.1.a da Lei 7/1985, de 2 de abril, Reguladora das bases do Réxime local). Así, a Administración ten o deber ineludíbel de manter estes de tal modo que estea garantida en calquera momento a seguridade daqueles que as utilicen, o que implica o recoñecemento ó seu favor dun principio de confianza sobre ás condicións obxectivamente aptas do vial. Como consecuencia deste deber, a Administración resulta obrigada a reparar as consecuencias danosas dos eventos fortuitos que signifiquen unha creba das condicións de seguridade que está obrigada a garantir.*

*No presente caso, o accidente debeuse á existencia de cascallo na calzada. No entanto, segundo as testemuñas presenciais dos feitos, realizadas á Policía Local no intre do accidente, o Sr. Pérez circulaba a bastante velocidade e non observaron que perdese o control antes do impacto nin se arrastrase polo chan, senón que directamente colisiona cun vehículo estacionado, e así o manifestaron ante esta Administración na proba testifical practicada. Dado que o Sr. Pérez circulaba a velocidade excesiva a informante conclúe que a negligencia da vítima interferiu no nexo causal, impedindo vincular os danos padecidos ó funcionamento de ningún servizo público desta Administración.*

*Polo exposto, propónse á Xunta de Goberno Local, en uso das atribucións que lle confire a lexislación vixente, a adopción do seguinte acordo:*

*“Desestimar a reclamación formulada por Dna. María Jesús Gómez González en nome e representación de D. Miguel Ángel Pérez Gómez, por non corresponder ó Concello de Vigo a responsabilidade patrimonial dos danos, ó non resultar probada a existencia relación de causalidade entre os mesmos e o funcionamento, normal ou anormal, do servizo público municipal”.*

#### Acordo

A Xunta de Goberno local aproba a proposta contida no precedente informe.

### **25(537).- RECADACIÓN EN VÍA DE CONSTRINXIMENTO DE COTAS IMPAGADAS POR CONSUMOS DE AUGA- ANOS 2001 E 2002. EXPTE. 203/500.**

Examinadas as actuacións do expediente, dáse conta do informe-proposta do tesoureiro municipal, do 9.05.06, conformado polo interventor xeral, que di o seguinte:

*Pola Dirección de ingresos do Concello de Vigo remítense o 13 de marzo de 2006 a esta Tesourería dúas relacións comprensivas de liquidacións de taxas por subministración de auga e saneamento, aprobadas de conformidade co disposto na Ordenanza fiscal reguladora correspondentes, que, sendo notificadas regulamentariamente nas datas que se indican nas mesmas, como consta acreditado nos correspondentes expedientes, non foron ingresadas en período voluntario, polo que interesa desta Tesourería o inicio dos correspondentes procedementos administrativos de constrinximento.*

Estes expedientes teñen a súa orixe na petición formulada pola empresa concesionaria do Servizo municipal de abastecemento e saneamento de auga para a apertura do citado proceso recadatorio (a súa referencia e a nº 119/500/04).

As citadas liquidacións, cuxo importe total ascende a 242.106,12 euros (32.505,30 + 209.600,82), segundo relacións que se achegan co seguinte detalle:

- A relación de 32.505,30 escomeza por D. José Mario Acuña e remata por D. Ramón Rosas Pérez.
- A relación de 209.600,82 escomeza por D. Guillermo Abalde Vila e Remata por Zalbar S.L.

foron aprobadas respectivamente por decretos da Alcaldía de data 3 de maio de 2004.

Con data 16 de setembro de 2005, o director de administración e finanzas da entidade concesionaria do Servizo municipal de abastecemento e saneamento de auga, Aqualia-FCC Vigo UTE, emite, en cumprimento do establecido nas cláusulas 60 e 69 do prego de condicións económico-administrativas polas que se rexeu o concurso para o outorgamento de concesión, sendas certificacións nas que se fai constar que unha vez rematado o período voluntario de cobranza das liquidacións a que se refire o presente expediente, resultaron impagadas as correspondentes cotas tributarias.

A cláusula 67 de prego de cláusulas económico-administrativas que rexeu o concurso para o outorgamento da concesión prevé que “Transcorridos tres meses a contar dende a finalización do período voluntario de cobro, o Concesionario presentará ó Concello relación de impagados que resulte incobrible, ós efectos de que pola Administración Municipal se tramiten e aproben os correspondentes expedientes de constrinximento”.

Pola súa beira, o artigo 167 da Lei Xeral Tributaria dispón que o procedemento de constrinximento iniciárase mediante providencia notificada ó obrigado tributario, que será título suficiente para iniciar o citado procedemento e terá a mesma forza executiva que a sentenza xudicial para proceder contra os bens e dereitos dos obrigados tributarios.

E por isto que, en concordancia coa petición formulada pola entidade concesionaria ó Concello de Vigo, esta Tesourería, de conformidade co disposto no artigo 9.3 da Ordenanza Fiscal nº 60 Reguladora das Taxas pola prestación de servizos de subministración de auga potable, rede de sumidoiros, saneamento e depuración de augas residuais, propón a esa Xunta de Goberno Local, con carácter previo á apertura de expedientes de cobranza pola vía de constrinximento, a adopción do seguinte acordo:

Interesar da Tesourería Municipal do Concello de Vigo, tralas comprobacións e informes que estime oportuno recadar, se inicie e desenvolva o procedemento administrativo de constrinximento mediante providencia dictada polo Tesoureiro municipal e notificada ó obrigado tributario, que permita a xestión do cobramento das cantidades adebedadas á entidade concesionaria, segundo consta nas certificacións de descuberto emitidas con data 16 de setembro de 2005, por un importe total de 242.106,12 euros (32.505,30 + 209.600,82), en cumprimento do establecido nas cláusulas 67 e seguintes do prego de condicións económico-administrativas que rexeu o concurso para o outorgamento da concesión e con arranxo ó procedemento regulado na Lei xeral tributaria e o Regulamento xeral de recadación.

#### Acordo

A Xunta de Goberno local aproba a proposta contida no precedente informe.

**26(538).- BASES DO I CONCURSO DE FOTOGRAFÍA TURÍSTICA TURISMO DE VIGO. EXPTE. 1916/104.**

Examinadas as actuacións do expediente, visto o informe proposta de data 5 de abril do xefe do Servizo de Turismo e Comercio conformado pola concelleira delegada do Servizo e máis co intervido e conforme do Interventor xeral, a Xunta de Goberno Local acorda:

1º Aprobar as bases do I Concurso de fotografía turística “Turismo de Vigo” que se transcriban ó final deste acordo.

2º Aprobar o gasto de 3.100 euros con cargo á partida 7510.2.260200 “material gráfico e promoción turística” en concepto de premios para repartir entre os gañadores do seguinte xeito:

- Primer premio: Colección de fotografías premiadas con 1.200 €
- Segundo premio: Colección de fotografías premiadas con 800 €
- Terceiro premio: Colección de fotografías premiadas con 500 €
- Tres accésit: Para 3 coleccións de fotografías, premiadas con 200 €

*I CONCURSO DE FOTOGRAFÍA “TURISMO DE VIGO*

*BASES:*

*PRIMEIRA. OBXECTO.-*

*Turismo de Vigo convoca o primeiro concurso de fotografía turística có obxecto de promocionar os nosos recursos turísticos, incentivar a participación cidadá en torno a esta idea e desenvolver unha serie de actividades complementarias en torno o turismo.*

*SEGUNDA. PARTICIPANTES.-*

*Poderán participar neste concurso de fotografía turística todas as persoas físicas, maiores de idade, residentes en España, e de calquera nacionalidade, que o desexen.*

*TERCEIRA. TEMA.-*

*As fotografías que se presenten a este concurso fotográfico terán como tema a cidade de Vigo en calquera dos seus aspectos turísticos: náutica, gastronomía, natureza, patrimonio cultural e etnográfico, festas e romerías, ocio, artesanía, etc.*

*Non se poderán presentar fotografías premiadas con anterioridade noutros concursos; se este feito se constatase, seán retiradas do concurso, podendo a organización do mesmo tomar as medidas legais necesarias para o reintegro do premio obtido fraudulentamente, de seren este o caso.*

*CUARTA. CONDICIÓN DE PRESENTACIÓN.-*

*Cada fotógrafo presentará as coleccións de fotografías que desexe. Cada colección comporase, obrigatoriamente, entre un mínimo de 5 fotografías e un máximo de 10 fotografías, en cor, referidas a cada un dos aspectos turísticos ós que se fai alusión na cláusula anterior, ou a todos, con unidade temática ou sin ela.*

*Son estas coleccións de fotografías, no seu conxunto, as que se premiarán neste concurso fotográfico.*



#### QUINTA. SOPORTES E FORMATOS.-

As fotografías que formen as coleccións poderánse presentar en calquera dos seguintes soportes:

- *Negativo:* Formato mínimo 35 milímetros.
- *Diapositiva:* Formato mínimo 35 milímetros.
- *Dixital:* Entregarase un CD coas imaxes TIFF, modo de color RGB.  
O arquivo terá un tamaño mínimo de 15 MB. No mesmo CD deberá existir unha carpeta co nome "BAJA", donde aparecerán todas as fotografías cun tamaño de 1,2 MB, comprimidas en formato JPEG (jpg) en modo de color RGB.

Será necesario acompañar unha copia de cada fotografía en papel tamaño 13 x 18 cm. ou similar.

#### SEXTA. IDENTIFICACIÓN.-

As copias de cada fotografía deberán levar no dorso o lema da colección proposto polo autor e o lugar onde se realizaron.

O autor deberá presentar as fotografías nos soportes e formatos descritos na cláusula anterior nun sobre pechado, branco, tamaño UNE A-4, sen ningunha identificación exterior. No seu interior, ademais das fotos, conterá outro sobre, pechado, branco, sen ningunha identificación exterior, de tamaño inferior, que conterá o lema proposto para cada colección, o nome do autor, enderezo, cantas precisións estime oportuno aportar sobre cada fotografía presentada.

#### SÉTIMA. PREMIOS.-

Establécense 3 premios e 3 accésit para cada colección:

- *Primeiro premio* Colección de fotografías premiadas con 1.200 euros.
- *Segundo premio:* Colección de fotografías premiadas con 800 euros.
- *Terceiro premio:* Colección de fotografías premiadas con 500 euros.
- *Tres accésit:* Para 3 coleccións de fotografías, premiadas con 200 €.

#### OITAVA. PRAZOS.-

O prazo de admisión para a presentación de fotografías para este concurso estará comprendido entre a publicación da convocatoria nos medios de comunicación locais e das bases no tablón de anuncios do Concello de Vigo e na súa páxina web oficial ([www.vigo.org](http://www.vigo.org)), o 30 de setembro de 2006.

As fotografías, ensobradas nas condicións especificadas na cláusula sexta, presentaranse no Rexistro Xeral do Concello de Vigo. Non se admitirán fotografías presentadas fora do prazo sinalado.

#### NOVENA. XURADO.-

O xurado será nomeado pola Concellería de Turismo e Comercio. A súa decisión será inapelable, podendo declarar deserto calquera dos premios, ou a súa totalidade, se considera que a calidade alcanzada non é a requirida nesta convocatoria.

O xurado estará composto por catro persoas: Presidenta, a Concelleira de Turismo e Comercio; vocais, un fotógrafo local de recoñecido prestixio, o xefe do Servizo de Turismo e Comercio, e unha persoa vinculada o turismo e o comercio de Vigo.

A decisión do xurado será dada a coñecer persoalmente ós premiados farase pública nos medios de comunicación locais e na páxina web do Concello.

O fallo farase público ó longo do mes de outubro de 2006.

#### **DÉCIMA. EXPOSICIÓN.-**

*Concellería de Turismo de Vigo preveu realizar unha exposición con todas ou a maioría das fotografías presentadas a este concurso. A tal fin, os participantes, premiados ou non, conceden autorización expresa para que o Concello poida reproducilas no tamaño e soporte oportunos.*

*Celebrada a exposición, os participantes non premiados terán un prazo de 30 días naturais para solicitar por escrito a través do Rexistro Xeral a devolución das fotografías. As obras das que non se solicitase a devolución neste prazo suponránse abandonadas polo autor, pasando automaticamente a formar parte da propiedade e libre disposición da Concellería de Turismo e Comercio do Concello de Vigo.*

#### **UNDÉCIMA. DEREITOS.-**

*Os autores das coleccións premiadas cederán ó Concello de Vigo todos os dereitos patrimoniais sobre as fotos, especialmente os dereitos de exposición, reprodución e publicación das mesmas. O pagamento destes dereitos entenderase satisfeito na dotación económica dos premios do certamen.*

*Sempre e cando sexa posible, nas fotografías editadas figurará o nome do autor.*

#### **DUODÉCIMA.**

*A Concellería de Turismo e Comercio porá o máximo coidado no tratamento e manexo das obras, pero non se responsabilizará nin respostará das perdas, accidentes, deterioros, roubos ou calquera tipo de desperfectos que puidera sufrir a obra, durante o traslado, transporte, tempo de estancia, manipulación, exposición e devolución da mesma.*

*Os autores, se o desexan, poderán establecer seguros particulares sobre as súas obras, debendo comunicar á Concellería de Turismo e Comercio a súa existencia e as condicións que delas se deriven. A Concellería de Turismo e Comercio declina calquera responsabilidade sobre estes seguros.*

#### **DÉCIMOTERCEIRA E FINAL.**

*A participación neste concurso supón a total aceptación destas bases.*

### **27(539).- CONSTITUCIÓN DA ENTIDADE URBANÍSTICA DE CONSERVACIÓN NO POLÍGONO C-SU-UA-6 GALINDRA. EXPTE. 4644/401.**

Examinadas as actuacións do expediente, dáse conta do informe-proposta do técnico de Admón. Xeral do Servizo de Planeamento e Xestión da Xerencia de Urbanismo, do 28.04.06, que di o seguinte:

#### **FEITOS**

*1.- En data 25/03/2002 o Pleno do Concello acordou aprobar definitivamente o Plan Especial de Reforma Interior "C-SU-UA6-GALINDRA" (expte. 4964/411). As súas ordenanzas publicáronse no BOP núm. 82, do 30/04/2002.*

*No 04/07/2002 o Consello da Xerencia Municipal de Urbanismo acordou: "(...) Segundo.- Aprobar definitivamente o proxecto de Compensación do polígono de propietario único 'C-SU-UA6-Galindra', na súa versión definitiva, promovido pola entidade mercantil 'CYSUGAL,S.A.', e redactado polos arquitectos D. José Antonio González González e D. Emilio Estévez Fernández -Expte. 4333/401-. (...). Cuarto.- A propiedade do ámbito deberá asumir-lo mantemento dos novos espazos libres e verdes cedidos ó Concello. A tal fin, as fincas*

resultantes do proxecto de compensación quedarán afectas, na cota de participación correspondente, á carga real de conservación de ditos espazos libres e zonas verdes de nova creación".

No día 05/12/2002 o Consello da Xerencia de Urbanismo acordou:

*"PRIMEIRO: Aprobar definitivamente o Proxecto de Urbanización do polígono "C-SU-UA-6-Galindra", promovido por "Cysugal, S.A.", redactado polos Arquitectos D. José Antonio González González e D. Emilio Estévez Fernández, visado polo COAG nos días 08/05/2002 e 10/09/2002 (Expte. 4361/401) (...). TERCEIRO: A propiedade do ámbito deberá asumir-lo mantemento dos novos espazos libres e verdes cedidos ó Concello. Ó tempo de recepción das obras de urbanización constituirase unha entidade urbanística de conservación".*

2.- En data 16/12/2005 o representante da mercantil "CYSUGAL SA" presentou un escrito nesta Administración municipal solicitando a constitución dunha entidade urbanística de conservación sobre ese ámbito, adheríndose ao modelo xeral de Estatutos aprobado polo Consello da Xerencia Municipal de Urbanismo no 11/12/2003 (BOP 02/01/2004).

Mediante oficio do 09/01/2006 requiríuselle á "Cysugal SA" a fin de que presentase nesta Administración municipal diversa documentación.

No 31/03/2006 "Cysugal SA" presentou un escrito na Xerencia de Urbanismo co que achegou copia auténtica de Escritura Pública de constitución de entidade de conservación outorgada en data 01/02/2006 polo notario de Vigo D. José-Antonio Rodríguez González co núm. 305 do seu protocolo.

3.- A entidade de conservación abrangue o ámbito do polígono "UE-C-SU-UA-6 Galindra" delimitado no Plan Xeral de Ordenación Urbana aprobado definitivamente no 29 de abril de 1993. Formarán parte dela as 52 vivendas unifamiliares previstas no Proxecto de Compensación. Rexerase polos estatutos xerais aprobados polo Consello da Xerencia Municipal de Urbanismo no 11/12/2003 (BOP 02/01/2004). As cotas de participación nos custes de conservación serán as seguintes:

- Parcelas 1, 15, 16 e 28: 2,258 %
- Parcelas 2 a 14 e 17 a 27: 2,132 %
- Parcelas 29, 39, 40 e 52: 1,735 %
- Parcelas 30 a 38 e 41 a 51: 1,643 %

### FUNDAMENTOS XURÍDICOS

I.- A entidade de conservación da UE C-SU-UA Galindra constitúese de conformidade co disposto no art. 110.6 Lei 9/2002, do 30 de decembro, de Ordenación Urbanística de Galicia (LOUGA), arts. 24 e ss. e 67 e ss. RD 3288/1978, do 25 de agosto, aprobatorio do Regulamento de Xestión Urbanística e aptdo. 3.2.3.5.b) da normativa do vixente Plan Xeral de Ordenación Urbana aprobado definitivamente o 29/04/1993, interpretado este último polo Tribunal Superior de Xustiza de Galicia na súa Sentenza do 09/02/2006 no recurso cont.-ad. 2/4371/2002.

II.- O inicio da actividade da entidade de conservación requirirá do cumprimento dos seguintes requisitos:

- Inscripción no Rexistro de Entidades Urbanísticas Colaboradoras da Xunta de Galicia.
- Recepción das obras de urbanización polo Concello.

No entanto o propietario do polígono responderá da conservación da urbanización.

III.- É competente para adouta-lo Acordo que agora se propón a Xunta de Goberno Local, de conformidade co disposto no art. 127.1.d) LBRL.

En virtude do exposto, proponse á Xunta de Goberno Local a adopción do seguinte acordo:

*PRIMEIRO: Aproba-la constitución da entidade urbanística de conservación do polígono "C-SU-UA 6 Galindra", formalizada en escritura pública outorgada en data 01/02/2006 polo notario de Vigo D. José-Antonio Rodríguez González co núm. 305 do seu protocolo (expte. 4644/401).*

*SEGUNDO: Designar como presentante do Concello na entidade de conservación ao Concelleiro-Delegado de Urbanismo.*

*TERCEIRO: A entidade urbanística de conservación rexerese polo modelo xeral de Estatutos aprobado polo Consello da Xerencia Municipal de Urbanismo en data 11/12/2003 (BOP do 02/01/2004).*

*CUARTO: Remítaselle unha copia compulsada do expediente á Xunta de Galicia, para a inscrición da entidade de conservación no Rexistro de entidades urbanísticas colaboradoras.*

*QUINTO: Notifíqueselle este Acordo ao propietario do ámbito, coa indicación de que contra él cabe interpór, alternativamente, recurso de reposición no prazo dun mes nesta Administración municipal ou recurso contencioso-administrativo no prazo de dous meses perante o Xulgado do Contencioso-Administrativo de Vigo. Notifíqueselle tamén ás oficinas municipais de Patrimonio, Limpeza e Vías e Obras.*

#### Acordo

A Xunta de Goberno local aproba a proposta contida no precedente informe.

### **28(540).- CONSTITUCIÓN DA ENTIDADE URBANÍSTICA DE CONSERVACIÓN NO PP CAMBESES. EXPTE. 4660/401.**

Examinadas as actuacións do expediente, dáse conta do informe-proposta do técnico de Admón. Xeral do Servizo de Planeamento e Xestión da Xerencia municipal de Urbanismo, do 4.05.06, que di o seguinte:

#### FEITOS

1.- En data 02/03/1998 o Pleno do Concello acordou aprobar definitivamente o Plan Parcial do "PAU CAMBESES". Estableceuse a súa execución nun polígono único, polo sistema de compensación (BOP do 07/05/1998, expte. 3577/411). Dito Acordo foi clarexado mediante outro posterior adoptado polo mesmo órgano municipal no 25/02/2002 (BOP do 26/03/2002).

Nos días respectivos 06/06/2002 e 31/01/2002 o Consello da Xerencia Municipal de Urbanismo acordou aprobar definitivamente o Proxecto de Compensación e o Proxecto de Urbanización dese ámbito (exptes. 4314/401

e 4269/401). Dispúxose neles expresamente que:“(…) As fincas resultantes quedarán afectas, na cota de participación correspondente, á conservación das novas zonas verdes e espazos libres do polígono”.

No 14/10/2005 a Xunta de Goberno Local acordou: “(…) PRIMEIRO: Aproba-la recepción parcial das obras de urbanización do Plan Parcial Cambeses, referida á Etapa "I" e á Fase "I" da Etapa "II" (expte. 4557/401).

SEGUNDO: A Xunta de Compensación asumirá a conservación das novas zonas verdes do polígono en tanto en canto non se reciban totalmente as obras de urbanización e se constitúa unha entidade de conservación. (…)”.

2.- En data 16/02/2006 o representante da Xunta de Compensación presentou nesta Administración municipal un escrito co que achegou certificación do acordo adoutado pola súa Asembleia Xeral no día 23/01/2006 co voto favorable do 87,988% das cotas de participación, favorable á constitución dunha entidade urbanística de conservación.

Mediante oficio do 17/02/2006 requiríuselle á Xunta de Compensación a fin de que presentase diversa documentación.

No 27/04/2006 o representante da Xunta de Compensación de Cambeses presentou un escrito na Xerencia de Urbanismo co que achegou copia de Escritura Pública de constitución de entidade de conservación outorgada en data 27/03/2006 polo notario de Vigo D. Miguel Lucas Sánchez co núm. 698 do seu protocolo.

3.- A entidade de conservación abrangue o ámbito completo do Plan Parcial Cambeses, polígono único delimitado no Plan Xeral de Ordenación Urbana aprobado definitivamente no 29 de abril de 1993. Formarán parte dela tódolos propietarios dese ámbito. Rexerese polos estatutos xerais aprobados polo Consello da Xerencia Municipal de Urbanismo no 11/12/2003 (BOP 02/01/2004). As cotas de participación nos custes de conservación detállanse na devandita escritura pública.

### FUNDAMENTOS XURÍDICOS

I.- A entidade de conservación do Plan Parcial Cambeses constitúese de conformidade co disposto no art. 110.6 Lei 9/2002, do 30 de decembro, de Ordenación Urbanística de Galicia (LOUGA), arts. 24 e ss. e 67 e ss. RD 3288/1978, do 25 de agosto, aprobatorio do Regulamento de Xestión Urbanística e aptdo. 3.2.3.5.b) da normativa do vixente Plan Xeral de Ordenación Urbana aprobado definitivamente o 29/04/1993, interpretado este último polo Tribunal Superior de Xustiza de Galicia na súa Sentenza do 09/02/2006 no recurso cont.-ad. 2/4371/2002.

II.- O inicio da actividade da entidade de conservación requirirá do cumprimento dos seguintes requisitos:

- Inscripción no Rexistro de Entidades Urbanísticas Colaboradoras da Xunta de Galicia.
- Recepción total das obras de urbanización polo Concello.

A Xunta de Compensación, no entanto, e mentres non se aprobe expresamente a súa disolución e liquidación, responderá da conservación da urbanización.

III.- A entidade de conservación deberá conservar tódalas zonas verdes e espazos libres públicos do polígono, incluídos os estanques e os marxes do río que atravesa o ámbito.

IV.- É competente para adouta-lo Acordo que agora se propón a Xunta de Goberno Local, de conformidade co disposto no art. 127.1.d) LBRL.

*En virtude do exposto, proponse á Xunta de Goberno Local a adopción do seguinte acordo:*

*PRIMEIRO: Aproba-la constitución da entidade urbanística de conservación do ámbito abranguido polo Plan Parcial Cambeses (Lavadores), formalizada en escritura pública outorgada en data 27/03/2006 polo notario de Vigo D. Miguel Lucas Sánchez co núm. 698 do seu protocolo (expte. 4660/401).*

*SEGUNDO: Designar como representante do Concello na entidade de conservación ao Concelleiro-Delegado de Urbanismo.*

*TERCEIRO: A entidade asumirá a conservación de tódalas zonas verdes e espazos libres públicos do polígono, incluído o estanque e os marxes do río que atravesa o ámbito. Rexerase polo modelo xeral de Estatutos aprobado polo Consello da Xerencia Municipal de Urbanismo en data 11/12/2003 (BOP do 02/01/2004).*

*CUARTO: Remítaselle unha copia compulsada do expediente á Xunta de Galicia, para a inscrición da entidade de conservación no Rexistro de entidades urbanísticas colaboradoras.*

*QUINTO: Notifíqueselle este Acordo a tódolos propietarios do ámbito e á Xunta de Compensación, coa indicación de que contra él cabe interpór, alternativamente, recurso de reposición no prazo dun mes nesta Administración municipal ou recurso contencioso-administrativo no prazo de dous meses perante o Xulgado do Contencioso-Administrativo de Vigo. Notifíqueselle tamén ás oficinas municipais de Patrimonio, Limpeza e Vías e Obras.*

#### Acordo

A Xunta de Goberno local aproba a proposta contida no precedente informe.

#### **29(541).- EXPEDIENTE DE CONTRATACIÓN DAS OBRAS DO “PROXECTO DE REPARACIÓN DE HUMIDADES EN LOCAIS DA RÚA LAXE”. EXPTE. 172/443.**

Examinadas as actuacións do expediente, dáse conta do informe-proposta de data 20-03-06 do xefe admin. de V. e Obras, de data 20-03-06, conformado polo asesor xurídico da Área de Servizos Xerais, e polo concelleiro-delegado da Área de Servizos Sociais e intervido polo interventor xeral, que di o seguinte:

*“A Concellería de Servizos Xerais pretende acomete-las obras do “ Proxecto de Reparación de humidades en locais da Rúa Laxe ” redactado polos técnicos municipais D. Jorge Muñoz Rama e D. Miguel Carrera Mouriño.*

*Por elo o conselleiro da Área de Servizos Xerais encargou ó Servicio de Vías e Obras a elaboración do do proxecto e do prego de prescricións técnicas e os Servizos Administrativos da Área o prego de condicións administrativas particulares. Por todo elo é preciso someter á aprobación da Xunta de Goberno Local o expediente para inicia-lo proceso de licitación.*

A presente proposta fórmulase por esta Área de Servicios Xerais en lugar de face-lo a Unidade de Contratación, por habe-lo autorizado así a Xunta de Goberno Local ó obxecto de axiliza-la tramitación dos expedientes procedentes desta área, e sin perxuício de que o procedemento licitatorio sea tramitado pola referida unidade.

No prego de condicións administrativas particulares destácanse os seguintes aspectos :

1ª.- Óptase polo procedemento negociado sin publicidade ó amparo do previsto nos artigos 73, 92 e 141. da LCAP

2ª.- En canto os criterios de negociación, contéplanse o menor prezo ofertado, o maior prazo de garantía das obras executadas e os medios ou medidas que reduzan o nivel de ruidos e vibracións .

3ª.- O prazo máximo de execución previsto e de 2 meses

4ª.- En canto o prezo máximo fíxase en 59.932,69 euros ( IVE incluído ) para o que existe crédito na partida 511.0.210.00.00 do presuposto 2006, prorrogado do 2005, do servico de Vías e Obras.

Previamente a somete-lo expediente á consideración da Xunta de Goberno Local será preciso o informe da Asesoría Xurídica e da Intervención Xeral en canto a fiscalización do gasto.

En consecuencia proponse á Xunta de Goberno Local, competente segundo a distribución de competencias contempladas na Lei 57/2003 de 16 de decembro de Modernización do Goberno Local, que modifica e amplía ó contido da Lei 7/1985 de 2 de abril, Reguladora das Bases do Réxime Local, a adopción do seguinte, ACORDO:

1º.- Aproba-lo proxecto de “ Reparación de humidades en locais da Rúa Laxe ” segundo proxecto redactado polos técnicos municipais D. Jorge Muñoz Rama e D. Miguel Carrera Mouriño.

2º.- Aproba-lo prego de prescricións técnicas para o contrato das obras do “ Reparación de humidades en locais da Rúa Laxe ” , redactado polo Enxeñeiro técnico municipal D. Jorge Muñoz Rama .

3º.- Aproba-lo prego de condicións administrativas particulares elaborado pola Área de Servicios Xerais para á contratación por procedemento negociado sen publicidade das obras de“ Reparación de humidades en locais da Rúa Laxe ”

4º.- Autoriza-lo gasto para a contratación das obras de “ Reparación de humidades en locais da Rúa Laxe ” con cargo á partida 511.0.210.00.00 do presuposto do 2006 e por un importe máximo de 59.932,69 €

5º.- Abri-lo procedemento licitatorio, para a selección do contratista na forma prevista na lexislación vixente.”

#### Acordo

A Xunta de Goberno Local acorda aprobar a proposta que se contén no precedente informe.

**30(542).- RECTIFICACIÓN DO ACORDO DA X.GOVERNO LOCAL DO 19.04.06, SOBRE APROBACIÓN DA SEPARATA Nº 1 DO PROXECTO DE SANEAMENTO DAS**

**PARROQUIAS DE BEMBRIVE, SAN ANDRÉS DE COMESAÑA, CORUXO E SAIÁNS. EXPTE. 48777/250.**

Examinadas as actuacións do expediente, dáse conta do informe-proposta do enxeñeiro xefe de Vías e Obras, do 12.05.06, conformado polo concelleiro delegado do Área de Servizos Xerais, que di o seguinte:

*A Xunta de Goberno local en sesión de 19 de abril de 2006, a proposta desta Xefatura, adoptou o acordo (punto 14) de aprobar tecnicamente a Separata nº 1 do Proxecto de Saneamento das parroquias de Bembrive, San Andrés de Comesaña, Coruxo e Saiáns, cun presuposto base de licitación IVE excluído de 584.432,96 € e unha valoración de expropiacións de 91.136,50 €.*

*Por erro ditas cantidades corresponden ao total do proxecto orixinal e non ao da Separata nº 1, como se pode comprobar no informe que obra no expediente.*

*As cantidades que corresponden á Separata nº 1 resultas ser un presuposto base de licitación IVE excluído de 403.895,25 € e unha valoración de expropiacións de 67.640,95 €.*

*Toda vez que o erro comentado se produce unicamente na proposta mencionada, figurando correctamente na diferente documentación que obra no expediente, se propón realizar a oportuna corrección do acordo adoptado pola Xunta de Goberno local na data mencionada.*

**Acordo**

A Xunta de Goberno local, de conformidade co reflectido no precedente informe, acorda corrixir o acordo de data 19.05.06, quedando redactado do seguinte xeito:

*“Aprobar tecnicamente a Separata nº 1 do Proxecto de Saneamento das Parroquias de Bembrive, San Andrés de Comesaña, Coruxo e Saiáns, cun presuposto base de licitación, IVE excluído de 403.895,25 € e unha valoración de expropiacións por 67.640,95 €.”*

**31(543).- DEVOLUCIÓN DE AVAL A AGULLÓ Y FANDIÑO S.L. CONSTITUÍDO POR OBRAS DE CANALIZACIÓN NAS RÚAS BOLIVIA E PANAMÁ. EXPTE. 49012/250.**

Examinadas as actuacións do expediente, dáse conta do informe-proposta do xefe do Negociado de Vías e Obras, do 12.05.06, conformado polo concelleiro delegado de Vías e Obras, que di o seguinte:

*Con data 24/06/2005, este Departamento , condiciona a autorización obxecto do presente, a constitución dun aval de 630,64 Euros, polos danos que puideran ocasionarse o patrimonio municipal. Unha vez ingresado o mesmo na Tesorería Municipal e rematados os traballos solicitados, o interesado solicitou a devolución da fianza depositada en data 27/04/06.*

*O Enxeñeiro Técnico , en data 11/05/2006., reseña que as obras foron executadas correctamente, procedendo a informar favorablemente a devolución do aval solicitado.*

Polo que **PROPONSE**:



*Proceder á devolución da fianza de 630,64 Euros , a la empresa AGULLÓ Y FANDIÑO S.L..*

Acordo

A Xunta de Goberno local acorda proceder á devolución da fianza de 630,64 euros, á empresa Agulló y Fandiño S.L.

**32(544).- PROXECTO DE CONVENIO DE COLABORACIÓN COA A.V.C.D. DE LAVADORES PARA O DESENVOLVEMENTO DE ACTIVIDADES DE DINAMIZACIÓN INFANTIL E XUVENIL DURANTE O ANO 2006. EXPTE. 1605/336.**

Examinadas as actuacións do expediente, visto o informe xurídico do 3.04.06, e de acordo co informe-proposta da xefa do Servizo de Xuventude, do 20.03.06, conformado pola concelleira delegada da Área e co intervido e conforme do intervento xeral, a Xunta de Goberno local acorda:

1º.- Aprobar a sinatura do convenio de colaboración que se achega, entre o Concello de Vigo e a ASOCIACIÓN VECIÑAL, CULTURAL E DEPORTIVA DE LAVADORES C.I.F. G 366633618, por importe de 27.000 € (VINTESETE MIL) EUROS para o desenvolvemento de actividades de dinamización infantil e xuvenil durante o ano 2006, para o cal existe consignación presupostaria con cargo á partida 4520.227.06.04.

2º.- Que se libre a cantidade de 13.500 € correspondentes ó 50% do total á sinatura deste convenio, e o 50% restante (13.500 €) á finalización do mesmo.”

*CONVENIO DE COLABORACIÓN ENTRE O CONCELLO DE VIGO E A ASOCIACIÓN VECIÑAL CULTURAL E DEPORTIVA DE LAVADORES PARA A REALIZACIÓN DE ACTIVIDADES DE DINAMIZACIÓN INFANTIL E XUVENIL .*

*En Vigo,*

*REUNIDOS*

*Dunha parte, O Alcalde de Vigo ( C.I.F P-3605700-H ), con enderezo na Praza do Rei s/n.*

*, e en representación do Excmo. Concello*

*Doutra parte, D. Emilio Pazos González , con D.N.I. Doutra parte, D. Emilio Pazos González , con D.N.I. Doutra parte, D. Emilio Pazos González , con D.N.I.*

*en representación da Asociación Veciñal y Cultural de Lavadores, C.I.F. G-36.6633618.*

*Ambas partes interveñen en función dos seus respectivos cargos, e no exercicio das facultades que, para convir en nome das entidades que representan teñen conferidas .*

## EXPOÑEN

*Que a Concellería de Xuventude ten entre os seus obxectivos a dinamización xuvenil, así como o potencia-la participación, apoiando iniciativas xuvenís e das entidades prestadoras de servizos á xuventude.*

*Que unha das liñas de acción empregadas para cumprir os obxectivos citados é a potenciación de espazos lúdicos para nen@s onde se poida combinar tempo de lecer, diversión e desenvolvemento persoal integral a traveso do xogo.*

*Que a Concellería de Xuventude vén levando a cabo nos últimos anos actividades lúdicas e de educación non formal para xoves e nen@s en Lavadores.*

*Que a Asociación de ASOCIACIÓN VECIÑAL, CULTURAL E DEPORTIVA DE LAVADORES está interesada en fomentar e potencia-la participación de tódolos tramos de idade, entre eles a d@s máis nov@s e, en especial, a d@s xoves debido á problemática social da zona.*

*Que, ademais, dita asociación conta con espazos onde poder levar a cabo actividades lúdicas e de educación non formal.*

*Que a ASOCIACIÓN VECIÑAL, CULTURAL E DEPORTIVA DE LAVADORES vén colaborando coa Concellería de Xuventude dende 1999 na realización de actividades .*

## ACORDAN

*I.- Desenvolver un PROGRAMA DE DINAMIZACIÓN INFANTIL E XUVENIL, concretado nunha Ludoteca, que cubra as necesidades de ocio e tempo de lecer d@s máis nov@s e cun marcado carácter formativo en valores positivos para o seu desenvolvemento integral e a súa socialización.*

*II.- Este programa será levado a cabo nas instalacións da ASOCIACIÓN VECIÑAL, CULTURAL E DEPORTIVA DE LAVADORES ata o mes de decembro de 2006.*

*III.- Para o desenvolvemento destas actividades, a Asociación de Veciños de Lavadores presentará un PROXECTO onde se recollerán, entre outros, os contidos incorporados no ANEXO I.*

*IV.- Corresponderá ó CONCELLO DE VIGO, a traveso da Concellería de Xuventude:*

*A) Aboar a cantidade de 27.000 € (VINTESETE MIL ) EUROS á ASOCIACIÓN VECIÑAL, CULTURAL E DEPORTIVA DE LAVADORES, mediante transferencia bancaria á conta corrente número 2080.0130.2.5.0040003704 de CAIXANOVA. Dita cantidade será aboada en dous prazos: un correspondente ó 50% do importe total á sinatura do presente convenio e outro do 50% restante á finalización do mesmo, previa certificación de cumprimento.*

*B) Garantir a prestación adecuada das actividades e servizos. Para elo, o persoal técnico da Concellería de Xuventude e a Asociación Veciñal, Cultural e Deportiva de Lavadores serán os encargados do seguimento da execución do convenio , así como certificar o seu cumprimento unha vez rematadas as actividades obxecto do mesmo.*

V.- A Asociación ASOCIACIÓN VECIÑAL, CULTURAL E DEPORTIVA DE LAVADORES, asume as seguintes obrigas:

A) Desenvolver as actividades na forma, lugar e tempo, conforme ó previsto neste convenio.

B) As actividades desenvolveranse, nas instalacións da Asociación “Villa Galicia” de Lavadores, en Barreiro. Excepcionalmente, poderanse usar outras dependencias, municipais ou non, no termo municipal de Vigo, de ser así acordado polo Concello de Vigo, atendendo ás necesidades do servicio, independentemente do número de nenas/os resultantes.

C) Prestaranse baixo a dependencia da Xefatura de Servicio da Concellería de Xuventude. Atenderáanse as orientacións que dende os programas de Intervención Comunitaria Municipal poidan facerse, cara unha complementación de ambos na atención da poboación da zona.

D) Velar pola boa marcha das actividades programadas, así como pola seguridade do público e participantes nas mesmas

E) Cumprir o horario de prestación do Servicio que será:

1.- De luns a venres, en días hábiles, en horario comprendido entre as 16:30 e 20:30 hs. Nos períodos de vacacións escolares de verán, a ludoteca permanecerá aberta en horario de 09,30hs a 13,30hs de luns a venres.

2.- Estes horarios poderán ser modificados con autorización expresa e por escrito da xefatura do servicio de xuventude, tendo e conta, de existir, os informes da ASOCIACIÓN VECIÑAL, CULTURAL E DEPORTIVA DE LAVADORES

3.- As funcións que correspondan ó persoal encargado das actividades desenvolveranse con carácter permanente e ininterrompido nos días e horarios indicados.

F) Dispor do persoal apropiado para o desenvolvemento das finalidades do servicio. Dito persoal será dun mínimo de dúas persoas que desenvolverán o seu labor na Ludoteca. Deberase acreditar que este persoal ten rematado, como mínimo, o Bacharelato ou Formación Profesional de segundo grao, así mesmo como estar en posesión dunha titulación oficial en Tempo Libre (director ou monitor de Tempo Libre homologado pola Comunidade Autónoma de Galicia) e constatar experiencia no eido da animación infantil e xuvenil, mediante currículo.

G) No desenvolvemento das actividades polo persoal encargado, observarase un comportamento axeitado e axustado ás finalidades de aquel e terásese en conta as idades e circunstancias persoais, familiares e sociais da poboación usuaria de ditos servicios.

H) Prestar o servizo con igualdade de trato e sen discriminación d@s usuarios do servicio.

I) Dispor do material funxible necesario para o desenvolvemento das actividades.

J) Presentar memoria descriptiva do desenvolvemento do programa, mensualmente, con datos sobre número de socios, participantes, características, as actividades desenvolvidas, os materiais empregados, préstamos, incidencias, etc, así como a avaliación tanto dos participantes como das actividades, e a

memoria económica ....., todo elo en disquete, formato word. Isto todo de cara a un coñecimento detallado por parte do Concello de Vigo.

K) Presentar proxectos mensuais de actividades que complementen o labor desenvolvido na Ludoteca, debendo contar co visto e prace do persoal municipal para a súa posta en funcionamento.

L) Dispor dos permisos e autorizacións necesarios para o desenvolvemento das actividades, así como aboar as taxas, impostos, dereitos de autor e demais gastos derivados das actividades.

LL) 1.- A ASOCIACIÓN VECIÑAL, CULTURAL E DEPORTIVA DE LAVADORES será o encargada de dispor dos medios necesarios para a publicidade e das actividades nos mesmos. Dita publicidade deberá ser supervisada polo persoal municipal, previamente a calquera publicitación, debendo contar co visto e prace do mesmo, e sendo atendidas as indicacións que este puidera facer sobre aquela.

2.- Como norma xeral, en toda publicidade impresa deberá aparecer e de xeito destacado, Concellería de Xuventude, Concello de Vigo.

3.- A imaxe, logotipo, carteis, etc... que identifiquen a actividade, non poderán ser usados pola Asociación veciñal, sen autorización expresa e por escrito do Concello de Vigo, a traveso da xefatura de servizo de xuventude.

M) Asumir as responsabilidades que poidan derivarse da realización das actividades que se convenian.

N) Asistir e participar nas reunións ás que sexa convocado polo servizo de xuventude , calquera que sexa o lugar e hora sempre que se lle comunique cunha antelación suficiente de 24 hs.

Ñ) Poñer en coñecimento do persoal técnico municipal, as charlas, conferencias, ponencias ou similares que se vaian desenvolver, sendo aquel o encargado de da-lo visto e prace á realización das mesmas. Isto sempre e cando se desenvolvan como complemento do programa. No caso de que a experiencia e/ou desenvolvemento desta actividade , vaia ser presentada en Congresos, Encontros ou similares precisará do visto e prace do Concello de Vigo, así como da participación dun representante municipal, cando supoña a presentación en modo de ponencia, conferencia ou similar.

O) Admitir monitores en prácticas que o Concello destine, acordándose conxuntamente entre o persoal técnico do servizo e os técnicos municipais, o labor a desenvolver por aqueles, o período de tempo, etc.

P) Adquirir, repoñer, reparar ou substituir, xogos, xoguetes, discos, e todos aqueles elementos de uso público.

Q) Presentar trimestralmente os TC2 e TC1 nos que acredite que o persoal que está dado de alta na seguridade social e que se abonan os seguros sociais.

VI.- No caso de dúbida na interpretación do presente convenio, o Concello de Vigo resérvase o dereito de interpretación do mesmo.

Lido por ámbalas dúas partes, e como proba de conformidade co expresado no presente convenio, o asinan e o rubrican, por duplicado exemplar, no mesmo lugar e data que se indica no comezo.

## ASUNTOS FORA DA ORDE DO DIA

A Xunta de Goberno Local, co quorum regulamentario, acorda declarar de urxencia os asuntos seguintes, de conformidade co artº. 51 do Texto Refundido das disposicións legais vixentes en materia de réxime local, aprobado por Decreto legislativo 781/1986 de 18 de abril.

### **33(545).- SOLICITUDE DE SUBVENCIÓN Á XUNTA DE GALICIA PARA ACTIVIDADES DA OMIC NO ANO 2006. Expte. 228/302.**

A Xunta de Goberno Local, co quorum regulamentario, acorda declara-la urxencia do asunto de referencia por estar fóra da orde do día.

Examinado o informe proposta emitido polo técnico superior de Sanidade, Consumo e Medio Ambiente, coa conformidade do concelleiro delegado, a Xunta Local de Goberno acorda:

Presentar perante a Xunta de Galicia solicitude de subvención para:

Primeiro.- Financiar o funcionamento das oficinas de información ó consumidor.

Segundo.- Financiar proxectos de mellora do mercado en relación cos intereses dos consumidores e usuarios que realicen as oficinas de información ao consumidor dos Concellos.

### **34(546).- ACTUACIÓNS (OBRAS/SERVIZOS) DO BIAL PARA INICIAR NO MES DE MAIO. Expte. 3745/077.**

A Xunta de Goberno Local, co quorum regulamentario, acorda declara-la urxencia do asunto de referencia por estar fóra da orde do día.

Examinado o informe proposta emitido polo xefe do Servizo de Desenvolvemento Local e Emprego, coa conformidade da concelleira delegada, a Xunta Local de Goberno acorda:

Aprobar a programación das novas obras incluídas no presente expediente (Anexo de obras propostas polo equipo técnico do programa) para o seu desenvolvemento polo Programa municipal BIAL, con inicio previsto no presente mes de maio.

### **35(547).- BASES DA CONVOCATORIA PARA A CONCESIÓN DE SUBVENCIÓNS E ENTIDADES DEPORTIVAS, POLA ORGANIZACIÓN DE EVENTOS DEPORTIVOS E ACTIVIDADES DURANTE O ANO 2006. Expte. 6021/333.**

A Xunta de Goberno Local, co quorum regulamentario, acorda declara-la urxencia do asunto de referencia por estar fóra da orde do día.

Examinado o informe proposta emitido polo director deportivo do IMD, coa conformidade da concelleira delegada, a Xunta Local de Goberno acorda:

Aprobar as Bases da convocatoria para a concesión de subvencións a entidades deportivas para a organización de eventos deportivos durante o ano 2006. Autorizado un crédito de 180.000 Euros con cargo á partida 4521 489 00 01 do orzamento de 2006.

**36(548).- CONVOCATORIA DE SUBVENCIONES A ENTIDADES DEPORTIVAS DE VIGO PARA A TEMPORADA 2005-2006.. Expte. 6025/333.**

A Xunta de Goberno Local, co quorum regulamentario, acorda declara-la urxencia do asunto de referencia por estar fóra da orde do día.

Examinado o informe proposta emitido polo director deportivo do IMD, coa conformidade da concelleira delegada, a Xunta Local de Goberno acorda:

Aprobar as Bases para a concesión de subvencións a entidades deportivas de Vigo –Temporada 2005-2006-. Autorizando un crédito de 680.000 Euros con cargo á partida 4521 489 00 00 do orzamento de 2006.

**37(549).- CONVENIO DE COLABORACIÓN ENTRE O EXCMO. CONCELLO DE VIGO E A EMPRESA ALCAMPO, S.A. PARA O DESENVOLVEMENTO DO CURSO “CAIXEIRO/A DE GRAN SUPERFICIE. Expte. 3698/077.**

A Xunta de Goberno Local, co quorum regulamentario, acorda declara-la urxencia do asunto de referencia por estar fóra da orde do día.

Examinado o informe proposta emitido polo xefe do Servizo de Desenvolvemento Local e Emprego, coa conformidade da concelleira delegada, a Xunta Local de Goberno acorda:

1º.- Aprobar o curso de “Caixeiro/a de gran superficie” dentro do programa de “Formación en empresas con compromiso de contratación”·segundo o informe da técnica de inserción do Plan municipal de emprego, que se desenvolverá no presente ano 2006.

2º.- Aprobar o texto do convenio a asinar coa entidade que desenvolverá o curso, que se transcribe ó final deste acordo.

3º.- Facultar a Dª Lucia Molares Pérez, concelleira de Promoción Económica e Desenvolvemento Local para a súa sinatura.

4º.- Aprobar a disposición total de 2.890,80 €, con cargo á partida orzamentaria 3220 470 00 00, “Programa de axudas á inserción laboral” que inclúe os gastos docentes, materiais e seguro do alumnado para a realización deste curso do programa “Formación en empresas con compromiso de contratación” do Plan municipal de emprego 2004-2007”.

*CONVENIO DE COLABORACIÓN ENTRE O EXCMO. CONCELLO DE VIGO E A EMPRESA ALCAMPO, S.A  
PARA O DESENVOLVEMENTO DO CURSO  
"CAIXEIRO/A DE GRAN SUPERFICIE"*

*REUNIDOS:*

*Dunha parte:*

*O Excmo Concello de Vigo, con CIF P-3605700-H, e representado por Dona Lucía Molares Pérez en calidade de concelleira de Promoción Económica e de Desenvolvemento Local,*

*doutra:*

*Don Juan Carlos Bouzón Loureiro con NIF 36044829-B en nome e representación da empresa ALCAMPO, S.A con domicilio na rúa Grove, s/n da cidade de Vigo.*

*Actúan ambas partes no exercicio dos seus cargos e na representación que ostentan recoñecéndose reciprocamente a capacidade suficiente para asinar este convenio.*

*EXPOÑEN:*

*PRIMEIRO: A Lei 5/1997, do 22 de xullo, de administración local de Galicia, indica, no seu artigo 80, punto 2, letras k) e p), que o municipio exercerá competencias nos termos da lexislación do Estado e da Comunidade Autónoma participando, entre outros aspectos, na formación de persoas activas e desempregadas. Deste xeito, o Pleno do Excmo. Concello de Vigo aprobou, por unanimidade, na súa sesión de data 26 de xaneiro de 2004, o Plan municipal de emprego 2004-2007. O Concello de Vigo, dende a Concellaría de Desenvolvemento Local e Emprego, no marco dese Plan e dentro do Programa de axudas á inserción sociolaboral, promove a formación en empresas, co compromiso, por parte destas, de contratar un mínimo do alumnado que remate satisfactoriamente o curso, para colaborar de forma activa na loita contra o desemprego e mellorar, entre outras facetas, a ocupabilidade das persoas desempregadas da área de influencia viguesa. Esta fórmula obriga a que o deseño das accións formativas, eminentemente prácticas, estea moi adaptado tanto ás características das persoas beneficiarias como ás necesidades das empresas e a que estas participen dun aprendizaxe activo desenvolvido dentro do ámbito produtivo real.*

*SEGUNDO: A empresa ALCAMPO, S.A é sensible a estes obxectivos, ademais de ter a necesidade de formar traballadores/as no seu sector ante a gran demanda do mercado laboral existente hoxe en día, polo que expresa a súa intención de participar activamente neste programa. A prospección de mercado feita polas técnicas de inserción sinala que Alcampo é a única empresa para a realización do curso de Caixeiro/a de gran superficie que asume o compromiso de contratar o 50% do alumnado que remate satisfactoriamente o curso, polo que só con ela se pode desenvolver esta actividade.*

*Por todo isto subscriben o presente convenio de acordo coas seguintes*

#### **CLÁUSULAS:**

##### **PRIMEIRA.- Obxecto do Convenio**

*O presente convenio ten por obxecto establecer un marco de colaboración para realizar unha acción formativa cunha duración de 125 horas lectivas incluídas as prácticas, a razón de 5 horas diarias, coa finalidade de formar a 22 persoas como “Caixeiros/as de gran superficie” e co compromiso de contratar, por parte da empresa ALCAMPO, S.A., un mínimo do 50% do alumnado que remate satisfactoriamente o curso. Estas contratacións terán unha duración mínima de 3 meses e a formalización dos contratos de traballo deberá realizarse dentro dos 3 meses seguintes á data de finalización da acción formativa. O temario do curso inclúese no anexo a este convenio.*

##### **SEGUNDA.- Compromisos de ALCAMPO S.A.**

*A empresa ALCAMPO, S.A organizará, impartirá, avaliará e fará unha memoria final e cantas outras accións sexan necesarias para realizar cos seus propios medios o curso, motivo deste convenio, para o que contará co material, seguros, persoal técnico e instalacións necesarios para o seu correcto desenvolvemento. Posteriormente, dentro dos 3 meses seguintes á data de finalización da acción formativa, contratará, cunha duración mínima de 3 meses, a un mínimo do 50 % do alumnado que remate satisfactoriamente o curso.*

*Ademais deste compromiso, serán obrigas da empresa Alcampo as consignadas no artigo 14.1 LXS.*

##### **TERCEIRA.- Compromisos do Concello de Vigo**

*O Concello de Vigo afrontará os gastos polo importe estipulado. Así mesmo, realizará a selección das persoas candidatas a través do equipo técnico do Servizo de orientación laboral en colaboración coa empresa, controlará o desenvolvemento do curso e recompilará toda a documentación e información relativa a este que considere oportuna para o seu bo fin e xustificación.*

##### **CUARTA.- Seguimento do Convenio**

*Para o seguimento do convenio, así como para a determinación dos criterios non previstos no funcionamento do mesmo, nomearase unha Comisión de Seguimento, composta por un/unha representante por cada parte asinante. A Comisión de Seguimento será presidida por un representante municipal e deberá reunirse cando as partes o acorden. O/A representante municipal na Comisión de Seguimento será nomeado/a pola concelleira de Promoción Económica e Desenvolvemento Local.*

##### **QUINTA.- Incumprimento do Convenio**

*O incumprimento do especificado nas cláusulas poderá ser motivo de cancelamento da execución deste convenio, previa resolución da Comisión de Seguimento.*

*Como norma última, será o Concello de Vigo o que teña a capacidade de decisión definitiva no referido ao presente convenio ou accións nel incluídas, caso de non existir acordo entre as partes.*

##### **SEXTA.- Vixencia do Convenio**

*O presente convenio entrará en vigor no momento da súa sinatura, e estará vixente ata o cumprimento do obxecto do mesmo, é dicir, noventa días despois da data de finalización da acción formativa.*

##### **SÉTIMA.- Relación contractual**

*A sinatura do presente convenio non suporá relación contractual algunha con este Concello de Vigo por parte do persoal encargado da organización, impartición ou calquera outra tarefa no desenvolvemento do curso.*



*OITAVA.- Forma de pago*

*O Concello de Vigo afrontará os gastos por un importe de 2.890,80€. No referido ao pagamento da cantidade acordada como presuposto das actividades formativas, motivo do presente convenio, o Concello aboará unha cantidade de 1.445,40€, ao remate do primeiro mes do inicio do curso, que supón o 50% do total.*

*O resto do importe da cantidade presupostada aboarase nun segundo e derradeiro pago que se corresponderá co outro 50% do total, 1.445,40€.*

*A xustificación do cumprimento das condicións impostas e da consecución dos obxectivos previstos no convenio de subvención deberá documentarse en forma de conta xustificativa, á que se deberá chegar os xustificantes de gastos ou calquera outro documento de validez xurídica que permita acreditar o cumprimento do obxecto da subvención. A súa presentación realizarase como máximo, no prazo de tres meses desde a finalización do prazo para a realización da actividade subvencionada (artigo 30 LXS)*

*Este gasto farase con cargo á partida orzamentaria 3220 470 00 00 “Programas de axudas á inserción laboral” do presuposto vixente.*

*CLÁUSULA FINAL*

*“ Serán finalmente de aplicación ó presente convenio as normas da Lei xeral de subvencións, sobre causas de invalidez do convenio (artigo 36 LXS), causas e réxime de reintegro das subvencións (artigo 37 LXS), réxime de infraccións e sancións en materia de subvencións e, en xeral con carácter pleno ou supletorio, de acordo coa Disposición Final Primeira LXS, no non previsto no convenio, as demais normas da Lei xeral de subvencións, a lexislación básica do Estado de réxime local, as restantes normas de dereito administrativo, as bases de execución do presuposto vixente e, no seu defecto, as normas de dereito privado.*

*As prestacións non constitutivas de subvención previstas no convenio, rexeranse polo estipulado neste, aplicándose os principios do TRLCAP para resolve-las dúbidas e lagoas que puideran presentar”*

*E, en sinal de conformidade, as dúas partes asinan este convenio que se expide por triplicado e a un só efecto, no lugar e data que se indican máis abaixo.*

**38(550).- PRORROGA DO CONTRATO PARA A PRESTACIÓN DE SERVIZOS DE VIXIANCIA E MANTEMENTO DE INSTALACIÓNS DE SEGURIDADE EEN VERBUM-CASA DAS PALABRAS (28 DE MAIO 2006-5 DE MAIO 2007). Expte. 139/340.**

A Xunta de Goberno Local, co quorum regulamentario, acorda declara-la urxencia do asunto de referencia por estar fóra da orde do día.

Examinado o informe proposta emitido polo xefe do Departamento de Cultura, coa conformidade do concelleiro delegado, a Xunta Local de Goberno acorda:

“1. Que se autorice a prórroga do contrato de servizos de vixilancia e mantemento de instalacións de seguridade das dependencias de Verbum-Casa das Palabras, adxudicado a “Securitas Seguridad España S.A, Securitas tratamento integral de valores, S.A. y Servicios Securitas S.A. Unión Temporal de Empresas, Ley número 18/1982 de 26 de maio”, CIFG83643338, por resolución da Alcaldía do Concello de data 24 de abril de 2003.

“2. A prórroga correspondente o período do 28 de maio 2006 - 5 de maio 2007, realízase de acordo co contrato suscrito o 28 de maio de 2003 e cos pregos de condicións técnicas e administrativas aprobados pola Comisión de Goberno do 3 de marzo de 2003.

“3. O custo total de contrato para o período de prórroga, ascende a 157.634,57 € (*cento cincuenta e sete mil seiscentos trinta e catro euros, con cincuenta e sete céntimos*).

En concepto de vixilancia, o gasto sería de 150.360,47 € (*cento cincuenta mil trescentos sesenta euros con cuarenta e sete céntimos*),

99.884,52 € (*noventa e nove mil oitocentos oitenta e catro euros con cincuenta e dous céntimos*) correspondentes ó exercicio 2006, e

50.475,95 € (*cincuenta mil catrocentos setenta e cinco euros con noventa e cinco céntimos*) correspondentes ó exercicio 2007.

Estes gastos poderán imputarse á partida 4510.227.01.01 “Casa das Palabras: seguridade”, do presuposto municipal vixente.

En concepto de mantemento, o gasto sería de 7.274,10 € (*sete mil douscentos setenta e catro euros con dez céntimos*),

4.364,46 € (*catro mil trescentos sesenta e catro euros con cuarenta e seis céntimos*) correspondentes ó exercicio 2006, e

2.909,64 € (*dous mil novecentos nove euros con sesenta e catro céntimos*) correspondentes ó exercicio 2007.

Estes gastos poderán imputarse á partida 4510.213.00.01 “Casa das Palabras: mantemento maquinaria e instalacións”, do presuposto municipal vixente.

“4. Os prezos polos que se rexirá a prórroga serán os vixentes de acordo coa Segunda Revisión de Prezos do contrato aprobado por acordo da Xunta de Goberno Local do 26 de setembro de 2005: Hora de vixilante seguridade diurna: 14,62 euros; hora vixilante seguridade festiva diurna: 15,74 euros; hora vixilante seguridade nocturna: 16,00 euros; hora vixilante seguridade festiva nocturna: 17,04 euros; hora auxiliar servizos diurna: 9,99 euros; hora auxiliar servizos nocturna: 9,99 euros; prezo de servizo de traslado de fondos: 4.899,11 euros/ano; prezo do servizo de subministración de billetes: 2.050,16 euros/ano; prezo de servizo de mantemento dos servizos de sistema de seguridade: 5.819,28 euros/ano; os citados prezos son co IVE incluído; sen prexuízo da actualización que lle corresponda.

**39(551).- CONTRATACIÓN POR CONCURSO PÚBLICO DO SERVIZO DE SALVAMENTO E SOCORRISMO EN DETERMINADOS AREAIS DE VIGO. Expte. 4154/306.**

A Xunta de Goberno Local, co quorum regulamentario, acorda declara-la urxencia do asunto de referencia por estar fóra da orde do día.

Examinado o informe proposta emitido polo xefe de Área de Contratación, coa conformidade do concelleiro delegado, a Xunta Local de Goberno acorda:

1º Autoriza-lo gasto 135.000 euros para a prestación dos servizos de contratación do servizo de salvamento e socorrismo en determinados areais de Vigo que se imputarán á partida presupostaria 4533.227.01.00 do vixente presuposto.

2º Aproba-lo prego tipo de cláusulas administrativas particulares para a contratación de servizos polo excmo. Concello de Vigo xunto coa Folla de Especificacións do Contrato (FEC) e o prego de prescripcións técnicas para a prestación dos servizos de contratación do servizo de salvamento e socorrismo en determinados areais de Vigo.

3º Convocar a licitación para a selección do contratista na forma prevista na lexislación vixente mediante tramitación ordinaria.

**40(552).- ROGOS E PREGUNTAS.**

Non houbo ningunha intervención neste punto.

E sen ter máis asuntos que tratar, a Sra. presidenta rematou a sesión ás nove horas e trinta e oito minutos. Como secretaria dou fé.

me.

A CONCELLEIRA-SECRETARIA  
DA XUNTA DE GOBERNO LOCAL,

Lucía Molaes Pérez.